

ЗАКОН

О ВИБОРЕ НАРОДНИХ ПОСЛАНІКОХ¹

I. ОСНОВНИ ОДРЕДБИ

Предмет закона

Член 1.

Зоз тим законом ше ушорює вибор и преставанє мандату народних посланікох Народней скупштини (у дальшим тексту: народни посланіки).

Народна скупштина ма 250 народних посланікох хторих ше вибера на штири роки.

Основни начала вибору за народних посланікох

Член 2.

Граждане вибераю народних посланікох на основи общого и едного виберанкового права.

Виберанки за народних посланікох шлєбодни и непоштрєдни, а гласанє тайне и особне.

Виберанкове право

Член 3.

Право виберац народних посланікох и буц виберани за народного посланіка ма полнолітнi граждан Републики Сербії над хторим не предлужене родительске право, односно хторому не цалком однята діловна способносц.

Особа хторей часточно однята діловна способносц може виберац народних посланікох и буц виберана за народного посланіка кед же суд зоз ришеньом о часточним одніманю діловней способносци не утвєрдзел же особа неспособна окончовац виберанкове право.

Шлєбода гласаня

Член 4.

Виберач ма шлєбоду одлучиц чи будзе гласац и як будзе гласац.

Ніхто не ма право онеможлівиц або примушиц виберача же би гласал, поволовац го на одвичательносц прето же гласал або не гласал и питац ше му же би ше виашнєл за кого гласал або прецо не гласал.

Єднаке виберанкове право и пропорційна виберанкова система

Член 5.

Виберач ма лєм єден глас.

Гласа ше за виберанкову лістину кандидатох за народних посланікох (у дальшим тексту: виберанкова лістина).

Народних посланікох ше вибера у Републики Сербії як у єдней виберанковой єдинки.

¹ „Службени гласнік РС“, число 14/22.

Посланіцки мандати ше розподзелює виберанковим лістином зрозумірно числу достатих гласох, а число мандатох яке припада виберанковим лістином утвєрдзує ше зоз применюваньом системи найвєкшого количніка.

Посланіцки мандати хтори освоєла виберанкова лістина додзелюю ше кандидатом за народних посланікох по їх рядошлїду на виберанковей лістини.

Обвисцованє о виберанкох

Член 6.

Гражданє маю право преїг' явних медийских сервисох буц обвисцени о виберанкових програмох и активносцох подношительох виберанкових лістинох, як и о кандидатох за народних посланікох у складзе зоз предписанями хтори ушорюю явни медийски сервиси и електронски медії.

Даватель медийскей услуги длужен у цеку виберанковей кампанї подношительом виберанкових лістинох и кандидатом за народних посланікох обезпечиц заступеносц без дискриминації, у складзе з предписанями хтори ушорюю явни медийски сервиси и електронски медії.

Забранєне 48 години скорей дня гласаня и на дзень гласаня по заверанє виберацких местох у медийох и на явних сходох обявїовац прецени резултатох виберанкох, явно представяц кандидатох на виберанкох за народних посланікох и поволовац виберацох же би гласали, односно не гласали за одредзени виберанково лістини.

Под медийом ше у смислу закона подрозумює дньово и периодични новини, сервис новинскей аґенції, радио-програму и телевизийну програму и електронски виданя тих медийох, як и самостойни електронски виданя (ушорїовацки формовани интернет боки або интернет портали) хтори реґистровани у Реґистру медийох, у складзе зоз законом.

II. ОРґАНИ ЗА ЗАПРОВАДЗОВАНЄ ВИБЕРАНКОХ ЗА НАРОДНИХ ПОСЛАНІКОХ

1. Заєдніцки правила за орґани за запровадзованє виберанкох

Компетенції за запровадзованє виберанкох за народних посланікох

Член 7.

Виберанки за народних посланікох (у дальшим тексту: виберанки) запровадзую Републична виберанкова комисија, локални виберанково комисиї и виберацки одбори.

Общи правила о положеню орґанох за запровадзованє виберанкох

Член 8.

Орґани за запровадзованє виберанкох самостойни и независни и робя на основи законох и предписаньох принєшених на основи закона.

За свою роботу орґани за запровадзованє виберанкох одвитую орґану хтори их оформел.

Робота орґанох за запровадзованє виберанкох явна.

Роботи орґанох за запровадзованє виберанкох не може присуствовац кандидат за народного посланіка.

Условия за роботу орґанох за запровадзоване виберанкох обезпечую Народна скупштина и општински, односно городски управи.

Шицки державни и други орґани и орґанизациі длужни помагац орґаном за запровадзоване виберанкох и доставиц им податки яки им потребни за роботу.

Член и заменік члена у орґану за запровадзоване виберанкох

Член 9.

Орґан за запровадзоване виберанкох твора председатель и други члени орґана за запровадзоване виберанкох и їх заменіки.

Иста особа може вецейраз буц менована до орґану за запровадзоване виберанкох.

Заменік члена орґана за запровадзоване виберанкох ма исти права и длужносци як и член хторого заменяе.

Заменік члена орґана за запровадзоване виберанкох ма право гласа лем кед член хторого заменяе одсутни.

Орґан за запровадзоване виберанкох може овласциц свойого члена, односно заменіка члена же би у мено того орґана за запровадзоване виберанкох окончовал одредзени роботи у вязи зоз орґанизацию, пририхтованьом и запровадзованьом виберанкох, односно гласаня.

Орґан за запровадзоване виберанкох у стаємним и преширеним составе

Член 10.

Орґан за запровадзоване виберанкох роби у стаємним и преширеним составе.

Подношитель преглашенной виберанковой лістини ма право предложит члена и заменіка члена орґана за запровадзоване виберанкох у преширеним составе.

Кед же подношитель преглашенной виберанковой лістини не предложи члена, односно заменіка члена орґана за запровадзоване виберанкох у преширеним составе у року яки предписани зоз законом, орґан предлужуе робиц и полноважно одлучуе без представителя того подношителя виберанковой лістини.

Член, односно заменік члена орґана за запровадзоване виберанкох у преширеним составе ма исти права и длужносци як и член, односно заменік члена у стаємним составе.

Общи правила о предкладаню членох и заменікох членох до орґанох за запровадзоване виберанкох

Член 11.

Кед овласцени предкладаче предкладаю членох и заменікох членох до орґанох за запровадзоване виберанкох, треба же би водзели рахунку о уровноваженей заступеносци полох и потреби уключиц особи зоз инвалидитетом до запровадзованя виберанкового поступку.

У предкладзе за меноване члена и заменіка члена орґана за запровадзоване виберанкох наведзени мено и презвиско, единствене матичне число граждана (у дальшим тексту: ЄМЧГ), место и адреса биваня, число телефона и адреса за примане електронскей пошти предложеного члена,

односно заменіка члена и означене посланіцкей ґрупи у Народней скупштини (у дальшим тексту: посланіцка ґрупа) або другого овласценого предкладача.

Одлучованє орґана за запровадзованє виберанкох

Член 12.

Орґан за запровадзованє виберанкох одлучує з векшину од вкупного числа гласоx членоx у стаємним, односно преширеним составе.

Условіє за членство у орґану за запровадзованє виберанкох

Член 13.

За члена и заменіка члена орґана за запровадзованє виберанкох може буц менована лєм особа хтора ма виберанкове право и хтора не народни посланік або кандидат за народного посланіка.

Преставанє функції у орґану за запровадзованє виберанкох

Член 14.

Членови и заменікови члена орґана за запровадзованє виберанкох функция престава по сили закона, а орґан у чий компетенції його менованє по службеной длужносци утврдує преставанє його функції:

- 1) кед умре;
- 2) кед страци виберанкове право;
- 3) кед ше преглаши виберанкову лістину на хторей є кандидат за народного посланіка;
- 4) кед подношитель виберанковой лістини хтори го предложел поцагне виберанкову лістину;
- 5) кед ше поніщи ришенє о преглашованю виберанковой лістини чий подношитель го предложел;
- 6) кед є зоз правомочну одлуку суда осудзени на кару гарешту яка тирва найменей шейсц мешац;
- 7) кед страци роботну способносц;
- 8) у других случайох яки предвидзени зоз законом.

Члена, односно заменіка члена орґана за запровадзованє виберанкох розришує орґан у чий компетенції його менованє:

- 1) кед задзекує у писаней форми;
- 2) кед ше додатно утврдує же не сполнює окремене условіє за менованє;
- 3) у других случайох яки предвидзени зоз тим законом.

Кед одлука о розписованю виберанкох ступи на моц, Републична виберанкова комисија ма компетенцию розришиц члена и заменіка члена Републичней виберанковой комисиї и локалней виберанковой комисиї у стаємним составе, утврдує же му функция престава по сили закона, як и на предкладанє овласценого предкладача меновац нового члена место гевтого хтори розришени, односно хторому функция престава по сили закона.

Одлуку орґана за запровадзованє виберанкох не мож оспорйовац на основи того же орґан не одлучовал у предписаним составе кед же предписане правне средство зоз хторим оспорени його состав не було поднешене на час.

Окремни случаи преставаня функций

Член 15.

Иста особа не може буц член двох орґанох за запровадзоване виберанкох.

Кед же една особа менована до вецей орґанох за запровадзоване виберанкох, по сили закона ей престава функция у гевтим орґану до хторого е менована познейше.

2. Републична виберанкова комисија

Окремне условие за меноване члена и заменїка члена Републичней виберанковой комисиї

Член 16.

За члена и заменїка члена Републичней виберанковой комисиї може буц менована лем особа хтора ма високе образование у обласци правних наукох.

Републична виберанкова комисија у стаємним составе

Член 17.

Републичну виберанкову комисию у стаємним составе твора председатель, 16 члени, заменїк председателя и 16 заменїки членох, хторих менуе Народна скупштина.

Одлука о менованю стаємного состава Републичней виберанковой комисиї обявюе ше у „Службеним гласніку Републики Сербии“.

Мандат стаємного состава Републичней виберанковой комисиї престава кед нове зване Народней скупштини менуе нови стаємни состав Републичней виберанковой комисиї.

Нове зване Народней скупштини длужне меновац нови стаємни состав Републичней виберанковой комисиї у року од шейсцох мешацох од дня конституованя Народней скупштини.

Овласцени предкладач за меноване члена и заменїка члена Републичней виберанковой комисиї у стаємним составе

Член 18.

Членох и заменїкох членох Републичней виберанковой комисиї у стаємним составе менуе ше на предклад посланїцких ґрупах зрозмирно їх заступеносци у вкупним чишле народних посланїкох хтори припадаю посланїцким ґрупом.

Анї една посланїцка ґрупа не може предложити вецей як половку членох Републичней виберанковой комисиї у стаємним составе.

Посланїцка ґрупа хтора ма вецей як половку од вкупного числа народних посланїкох предклада председателя, заменїка председателя, седем членох и седем заменїкох членох Републичней виберанковой комисиї у стаємним составе, а других членох и заменїкох членох у Републичней виберанковой комисиї у стаємним составе предкладаю други посланїцки ґрупи зрозмирно їх заступеносци у вкупним чишле народних посланїкох хтори припадаю посланїцким ґрупом.

Под посланїцку ґрупу у смислу предкладаня членох и заменїкох членох Републичней виберанковой комисиї у стаємним составе подрозумюе ше и народного посланїка поединца або ґрупу народних посланїкох хтора числово

менша од числа народних посланікох яке потребне за формованє посланіцкей ґрупи:

- 1) кед шицки тоти народни посланіки вибрани зоз истей виберанковей лістини;
- 2) кед виберанкова лістина на хторей су вибрани не освоєла тельо мандати кельо потребне за формованє посланіцкей ґрупи;
- 3) кед ніхто з ніх не приступел ґу даякей посланіцкей ґрупи;
- 4) кед шицки тоти посланіки подписали предклад за менованє члена, односно заменіка члена Републичней виберанковей комісії у стаємним составе.

Заступеносц полох у Републичней виберанковей комісії у стаємним составе

Член 19.

Посланіцка ґрупа хторей припада право предложити два особи до стаємного состава Републичней виберанковей комісії длужна предложити по єдного припадніка обидвох полох.

Посланіцка ґрупа хторей припада право предложити три особи до стаємного состава Републичней виберанковей комісії длужна предложити двох припаднікох єдного полу и єдного припадніка другого полу.

Посланіцка ґрупа хторей припада право предложити штири особи до стаємного состава Републичней виберанковей комісії длужна предложити по двох припаднікох обидвох полох.

Посланіцка ґрупа хторей припада право предложити пейц особи до стаємного состава Републичней виберанковей комісії длужна предложити трох припаднікох єдного полу и двох припаднікох другого полу.

Предклад посланіцкей ґрупи хторей припада право предложити вецей як пейц особи до стаємного состава Републичней виберанковей комісії муши облапяц найменей 40% припаднікох меней заступеного полу медзи предложенима особами.

Жалба процив одлуки о менованю члена и заменіка члена Републичней виберанковей комісії у стаємним составе

Член 20.

Против одлуки о менованю члена и заменіка члена Републичней виберанковей комісії у стаємним составе кажди подношитель преглашеней виберанковей лістини хора освоєла мандати у иснуюцим зволаню Народней скупштине и кажди виберач можу поднесц жалбу Управному суду преїґ Народней скупштине у року од седем дньох од дня єй обявйованя у „Службеним гласніку Републики Сербії”.

Народна скупштина длужна у року од 24 годзинох од приманя жалби доручити Управному суду жалбу и шицки списи того предмета.

Управни суд приноси одлуку по жалби у року од седем дньох од приманя жалби зоз списками.

Одлука принешена у поступку по жалби правномоцна и процив ней не мож поднесц позарядово правни средства предвидзени зоз законом зоз хторим ше ушорює управни спор.

Учасніки у роботі Республичней виберанковей комісії без права одлучованя

Член 21.

Учасніки у роботі Республичней виберанковей комісії без права одлучованя то секретар Республичней виберанковей комісії, замінік секретара Республичней виберанковей комісії и двома учасніки задлужени за статистични роботи.

Секретара и замініка секретара Республичней виберанковей комісії менує Народна скупштина на предклад председателя Народней скупштини зоз шорох занятих у Служби Народней скупштини.

Учаснікох задлужених за статистични роботи менує Народна скупштина на предклад республичного орґана у чией компетенції статистични роботи.

За учасніка у роботі Республичней виберанковей комісії без права одлучованя може буц менована лем особа хтора ма виберанкове право и хтора не народни посланік або кандидат за народного посланіка.

За секретара и замініка секретара Республичней виберанковей комісії може буц менована лем особа хтора ма високе образование у обласци правних наукох.

Одредби того закона зоз хторима ше ушорює преставанє функції у орґану за запровадзованє виберанкох применюю ше и на учаснікох у роботі Республичней виберанковей комісії без права одлучованя.

Республична виберанкова комісія у преширеним составе

Член 22.

Члена и замініка члена Республичней виберанковей комісії у преширеним составе менує Республична виберанкова комісія на предклад подношителя преглашеней виберанковей лістини хтори муши буц доручени найпознейше седем дні скорей дня гласаня.

Республична виберанкова комісія длужна принєсц рішенє о предкладу за менованє члена и замініка члена Республичней виберанковей комісії у преширеним составе у року од 24 годзинох од приманя предкладу.

Рішенє о менованю члена и замініка члена Республичней виберанковей комісії у преширеним составе применює ше од шлїдуючого дня од дня кед є принєшене.

Члена, односно замініка члена Республичней виберанковей комісії у преширеним составе хтори розришени, односно хторому функция престала по сили закона мож пременіц на вимогу подношителя виберанковей лістини на чий предклад є меновани лем покля Республична виберанкова комісія роби у преширеним составе.

Республична виберанкова комісія роби у преширеним составе покля вкупни звит о резултатох виберанкох не постане конєчни.

Пригварка процив рішеня о предкладу за менованє члена и замініка члена Республичней виберанковей комісії у преширеним составе

Член 23.

Против рішеня зоз хторим одбити лебо одруцени предклад за менованє члена и замініка члена Республичней виберанковей комісії у преширеним составе подношитель предкладу може поднесц пригварку Республичней

виберанковей комісії у року од 48 годзинох од обявйованя того ришеня на веб-презентації Републичней виберанковей комісії (у дальшим тексту: веб-презентация).

Против ришеня о менованю члена и заменіка члена Републичней виберанковей комісії у преширеним составе подношитель преглашеней виберанковей лістини, регістрована политична странка и виберач можу поднесц пригварку Републичней виберанковей комісії у року од 48 годзинох од обявйованя того ришеня на веб-презентації.

Компетенция Републичней виберанковей комісії

Член 24.

Републична виберанкова комісія:

- 1) стара ше о законітим запровадзованю виберанкох;
- 2) предписує упутства за запровадзованє виберанкових роботох;
- 3) обявює роковнік за окончованє виберанкових роботох;
- 4) предписує формулари за запровадзованє виберанкових роботох;
- 5) провадзи применёванє и дава думанє у вязи зоз применёваньом того закона;
- 6) менує, розришує и констатує преставанє функції члена и заменіка члена орґана за запровадзованє виберанкох, у складзе зоз тим законом;
- 7) предписує єдинствени стандарди за виберанкови материял;
- 8) обезпечує виберанкови материял за запровадзованє виберанкох;
- 9) предписує способ примопридаваня виберанкового материялу пред гласаньом и по гласаню;
- 10) одредзує виберанково места, у складзе зоз тим законом;
- 11) одлучує о поднешеной виберанковей лістини;
- 12) составя и обявює приручнік за практичне применёванє правилох хтори ушорюю способ на яки виберацки одбори запровадзую гласанє и утвердзую резултати гласаня на виберанковим месце;
- 13) предписує способ провадзєня виходносци виберачох на гласанє;
- 14) предписує програми обукох и запровадзує обуки членох и заменікох членох локалних виберанкових комісийох и виберацких одборох;
- 15) имформує и едукує виберачох о способе витворйованя виберанкового права, як и других учашнікох у виберанковим поступку;
- 16) одлучує о пригваркох, у складзе зоз тим законом;
- 17) подробнейше предписує способ подношеня пригваркох и поступанє по пригваркох у Републичней виберанковей комісії;
- 18) утвердзує резултати виберанкох, приноси и обявює вкупни звит о резултатох виберанкох;
- 19) ускладзує и надпатра роботу орґана за запровадзованє виберанкох;
- 20) предписує кодекс справованя членох и заменікох членох орґана за запровадзованє виберанкох;
- 21) подноши Народней скупштини звит о запровадзєних виберанкох;

22) окончуе и други работи предвидзени зоз тим законом.

У окончованю надпатраня работи локалних виберанкових комисийох Републична виберанкова комиссия овласцена по службеной длужносци поніщиц одлуку локалней виберанковой комисии принешену процивно одредбом того закона.

Формулари хтори потребни за подношене виберанковой лістини Републична виберанкова комиссия предписуе у року од трох дньох од дня кед одлука о розписованю виберанкох ступела на моц.

Републична виберанкова комиссия приноси свой діловнік.

Упутство за запровадзоване виберанкових роботох и Діловнік Републичней виберанковой комисии обявюе ше у „Службеним гласніку Републики Сербии”.

Обявйоване одлукох Републичней виберанковой комисии

Член 25.

Одлуки Републичней виберанковой комисии ше обявюе на веб-презентациі без одкладаня, а найпознейше у року од 24 годзинох од законченя схадзки на хторей одлуки принешени.

На веб-презентациі муша буц назначени датум и час обявйованя одлуки.

Одлуки Републичней виберанковой комисии ше обявюе у „Службеним гласніку Републики Сербии” кед то предвидзене зоз законом.

Кед принеше и обяви одлуку по вимоги, Републична виберанкова комиссия длужна подношителя вимоги преїг телефона лебо по електронскей пошти обвисциц о тим же одлука по його вимоги принешена и обявена на веб-презентациі.

Кед же принешена одлука Републичней виберанковой комисии по вимоги, подношитель вимоги може питац же би ше му препис тей одлуки придало у шедзиску Републичней виберанковой комисии або послало по пошти.

Час кед подношитель вимоги обвисцени преїг телефона лебо по електронскей пошти же принешена и обявена одлука по його вимоги, односно час кед му придати препис одлуки у шедзиску Републичней виберанковой комисии або послати по пошти не уплївуе на раховане рока у хторим може поднесц правни средства процив тей одлуки.

Явносц работи Републичней виберанковой комисии

Член 26.

Робота Републичней виберанковой комисии явна.

Явносц работи Републичней виберанковой комисии обезпечуе ше так же Републична виберанкова комиссия на веб-презентациі преноши своєю схадзки и конференциі за медиі и обявюе записніки зоз своїх схадзкох, обезпечуе средством явного обвисцованя аудио и видео сигнал хтори им оможлївюе преношиц ей схадзки, оможлївюе заинтересованим домашнім, странским и медзинародним организаційом и здруженьом (припатраче) провадзиц ей роботу и на други способ у складзе зоз законом и Діловніком Републичней виберанковой комисии.

3. Локална виберанкова комисија

Локална виберанкова комисија у стаємним составе

Член 27.

Локални виберанково комисиї то општински виберанково комисиї, городски виберанково комисиї и виберанково комисиї городских општинах Городу Београду.

Локалну виберанкову комисию у стаємним составе ше менує у складзе зоз законом зоз хторим ше ушорюю локални виберанки.

Кед же ше после розписованя виберанкох пременя одборніцки ґрупи, скупштина городу, општини, односно городской општини не може меновац нову локалну виберанкову комисию пред тим як ше вибранки законча.

Окремни случай формованя локалней виберанковой комисиї у стаємним составе

Член 28.

Кед же на дзень кед одлука о розписованю виберанкох ступела на моц у скупштини городу, односно општини не постої локална виберанкова комисија, Републична виберанкова комисија у року од седем дньох од дня кед на моц ступела одлука о розписованю виберанкох зоз рішеньом формує локалну виберанкову комисию у стаємним составе як орґан за запровадзованє виберанкох за територію того города, односно општини.

Локална виберанкова комисија у стаємним составе хтору формує Републична виберанкова комисија ма председателя, шейсцох членох и їх заменікох, хторих ше менує на предклад посланіцких ґрупах зрозмирно їх заступеносци у Народней скупштини на дзень кед одлука о розписованю виберанкох ступела на моц.

Посланіцка ґрупа хтора ма вецей як половку од вкупного числа народних посланікох предклада председателя, заменіка председателя, двох членох и двох заменікох членох локалней виберанковой комисиї у стаємним составе хтору формує Републична виберанкова комисија, а других членох и заменікох членох у локалней виберанковой комисиї у стаємним составе предкладаю други посланіцки ґрупи зрозмирно їх заступеносци у вкупним чишле народних посланікох хтори припадаю посланіцким ґрупом.

Републична виберанкова комисија може локалней виберанковой комисиї у стаємним составе хтору формує зоз своїм рішеньом звериц компетенцию за вецей єдинки локалней самоуправи у хторих нет локални виберанково комисиї.

За председателя и заменіка председателя виберанковой комисиї може буц менована лєм особа хтора ма високе образование у обласци правних наукох.

Кед формує локалну виберанкову комисию у стаємним составе, Републична виберанкова комисија на предклад начальніка управного округа менує секретара и заменіка секретара локалней виберанковой комисиї у стаємним составе, хтори участвую у ей роботи без права одлучованя.

За секретара и заменіка секретара локалней виберанковой комисиї може буц менована лєм особа хтора ма високе образование у обласци правних наукох.

Предкладанє члена и заменїка члена локалней виберанковей комисїї у стаємним составе

Член 29.

Под посланїцку ґрупу у смислу предкладаня члена и заменїка члена локалней виберанковей комисїї у стаємним составе хтору формує Републична виберанкова комисия подрозумює ше и народного посланїка поединца або ґрупу народних посланїкох хтора облапя менше число народних посланїкох од числа яке потребне за формованє посланїцкей ґрупи:

- 1) кед шицки тоти народни посланїки вибрани з истей виберанковей лїстини;
- 2) кед виберанкова лїстина на хторей су вибрани не освоєла тельо мандати кельо потребне за формованє посланїцкей ґрупи;
- 3) кед нїхто з нїх не приступел ґу даякей посланїцкей ґрупи;
- 4) кед шицки тоти народни посланїки подписали предклад за менованє члена, односно заменїка члена локалней виберанковей комисїї у стаємним составе.

За потреби формованя локалней виберанковей комисїї у стаємним составе Републична виберанкова комисия на час предписує и обявює на веб-презентації розпорядок местох по яким посланїцки ґрупи предкладаю членох и заменїкох членох тей локалней виберанковей комисїї.

Кед посланїцка ґрупа не доручи на час предклад за менованє члена, односно заменїка члена локалней виберанковей комисїї у стаємним составе, Републична виберанкова комисия до локалней виберанковей комисїї у стаємним составе менує особу хотру предложи начальнїк управного округа.

Кед предклада кандидатох за члена, заменїка члена, секретара и заменїка секретара локалней виберанковей комисїї, овласцени предкладач, по можлївосци, дава предносц особи хтора прешла през обуку за роботу у локалней виберанковей комисїї и ма искуство у запровадзованю виберанкох.

Локална виберанкова комисия у преширеним составе

Член 30.

Члена и заменїка члена локалней виберанковей комисїї у преширеним составе менує локална виберанкова комисия на предклад подношителя преглашеней виберанковей лїстини, хтори муши буц доручени найпознейше седем днї скорей дня гласаня.

Локална виберанкова комисия длужна принєсц ришенє о предкладу за менованє члена и заменїка члена локалней виберанковей комисїї у преширеним составе у року од 24 годзинох од приманя предкладу.

Ришенє о менованю члена и заменїка члена локалней виберанковей комисїї у преширеним составе применює ше од шлїдуючого дня од дня кед є принєшене.

Члена односно заменїка члена локалней виберанковей комисїї у преширеним составе хтори розришени, односно хторому функция престала по сили закона мож пременїц на вимогу подношителя преглашеней виберанковей лїстини на чий предклад є меновани лєм покля локална виберанкова комисия роби у преширеним составе.

Локална виберанкова комисия роби у преширеним составе покля збирни звит о резултатох гласаня не постане конєчни.

**Пригварка процив ршєня о предкладу за менованє члена и
заменїка члена локалней виберанковой комисїї у
преширеним составе**

Член 31.

Против ршєня зоз хторим одбити або одруцени предклад за менованє члена и заменїка члена локалней виберанковой комисїї у преширеним составе подношитель предкладу може поднесц пригварку Рєпубличней виберанковой комисїї у року од 48 годзинох од обявйованя того ршєня на веб-презентациї.

Против ршєня о менованю члена, односно заменїка члена локалней виберанковой комисїї у преширеним составе подношитель прєглашеней виберанковой лїстини и виберач можу поднесц пригварку Рєпубличней виберанковой комисїї у року од 48 годзинох од обявйованя того ршєня на веб-презентациї.

Компетенция локалней виберанковой комисїї

Член 32.

Локална виберанкова комисия:

- 1) организує технїчни пририхтованя за виберанки;
- 2) менує, розришує и констатує преставанє функиї членох и заменїкох членох органа за запровадзованє виберанкох, у складзе зоз тим законом;
- 3) одредзує виберанково места, у складзе зоз тим законом;
- 4) одлучує о вимогах за понїщованє гласаня на виберанковим месце пре неправилносц под час запровадзованя гласаня;
- 5) прима виберанкови материял од Рєпубличней виберанковой комисїї и придава го виберацким одбором;
- 6) пребера виберанкови материял од виберацких одборох по законченю гласаня;
- 7) дава потримовку виберацким одбором под час запровадзованя гласаня;
- 8) обвисцує Рєпубличну виберанкову комисию о цеку гласаня;
- 9) приноси збирни звит о резултатох гласаня зоз виберанкових местох хтори ше находза на єй териториї;
- 10) окончує други роботи у складзе зоз законом и актами Рєпубличней виберанковой комисїї.

**Обявйованє и доручованє одлукох локалней виберанковой
комисїї**

Член 33.

Одлуки локалней виберанковой комисїї ше обявює на веб-презентациї без одкладаня, а найпознейше у року од 24 годзинох од законченя схадзки на хторей одлуки принєшени, на способ яки предписує Рєпублична виберанкова комисия.

Кажду одлуку хтору приноси у вязи зоз запровадзованьом виберанкох локална виберанкова комисия длужна без одкладаня доручиц Рєпубличней виберанковой комисїї у писаней форми и електронски на способ яки предписує Рєпублична виберанкова комисия.

Кед принеше и обяви одлуку по вимоги, локална виберанкова комисија длужна подношителя вимоги прејг телефона або по електронскеј пошти обвисциц же одлука по його вимоги принешена и обявена на веб-презентациј.

Кед же одлука локалней виберанковей комисиј принешена по вимоги, подношитель вимоги може питац же би ше му препис одлуки придало у шедзиску локалней виберанковей комисиј або послало по пошти.

Час кед подношитель вимоги обвисцени прејг телефона або по електронскеј пошти же принешена и обявена одлука по його вимоги, односно час кед му придати препис одлуки у шедзиску локалней виберанковей комисиј або послати по пошти не уплвуге на раховане рока у хторим може поднесц правни средства против теј одлуки.

4. Виберацки одбор

Менованс и тирванс функциј члена и заменіка члена виберацког одбору

Член 34.

Члени и заменіки членох виберацког одбору муша буц меновани најпознейше дзешец днј скорей дня гласаня.

Предклад за менованс члена и заменіка члена виберацких одборох мож поднесц најпознейше 15 днј скорей дня гласаня.

Функција члена и заменіка члена виберацког одбору почина од дня обявйованя ришеня о їх меновану, а престава кед ше прида виберанкови материял после гласаня и окончи контрола записніка о работи виберацког одбору, як и у других случайох хтори предвидзени зоз законом.

Виберацки одбор у стаємним составе

Член 35.

Виберацки одбор у стаємним составе творя председатель, двома члени, заменік председателя и двома заменіки членох хторих менуге локална виберанкова комисија на предклад посланіцких гупох.

Поступок предкладаня члена и заменіка члена виберацког одбору у стаємним составе подробнейше ушоруге Републична виберанкова комисија.

Кед предклада кандидата за председателя и заменіка председателя виберацког одбору, посланіцка група, по можлівосци, дава предносц особи хтора прешла през обуку за роботу у виберацким одборе и ма искусство у запровадзовану виберанкох.

Мерадла за менованс виберацког одбору у стаємним составе

Член 36.

Число председателюх, заменікох председателюх, членох и заменікох членох шицких виберацких одборох у стаємним составе на териториј одредзеној локалней виберанковей комисиј яке припада посланіцкеј гупи муши буц зрозмирне ей заступеносци у Народней скупштини на дзень кед одлука о розписовану виберанкох ступела на моц.

Посланіцка група хтора на дзень кед одлука о розписовану виберанкох ступела на моц ма вецей як половку вкупного числа народних посланікох предклада у єдней половки виберацких одборох председателя и двох заменікох членох, а у другей половки виберацких одборох предклада заменіка председателя, єдного члена и заменіка другого члена, покля ше места у

виберацких одборох цо остали розподзелюю другим посланіцким ґрупом зрозумрно заступеносци у Народней скупштини на дзень кед одлука о розписованю виберанкох ступела на моц.

Ані єдна посланіцка ґрупа не може на єдним виберацким месце предложити и председателя и заменіка председателя виберацкого одбору.

На основи зоз законом предписаних мерадлох, Републична виберанкова комиссия за територию каждой локалней виберанковой комисии на час предписує и обявює на веб-презентациї розпорядок местох по яким посланіцки ґрупи предкладаю членох и заменікох членох виберацких одборох у стаємним составе.

Под посланіцку ґрупу у смислу предкладаня членох виберацких одборох у стаємним составе подрозумює ше народного посланіка поєдинца або ґрупу народних посланікох хтора чишлі меней од числа народних посланікох яке потребне за образованє посланіцкей ґрупи:

- 1) кед шицки тоти народни посланіки вибрани зоз виберанковой лістини;
- 2) кед виберанкова лістина на хторей су вибрани не освоєла тельо мандати кельо потребне за формованє посланіцкей ґрупи;
- 3) кед ніхто з ніх не приступел ґу даєдней посланіцкей ґрупи;
- 4) кед шицки тоти народни посланіки подписали предклад за менованє члена, односно заменіка члена виберацкого одбору у стаємним составе.

Предклад за менованє члена и заменіка члена виберацкого одбору у стаємним составе

Член 37.

Предклад за менованє члена и заменіка члена виберацкого одбору у стаємним составе посланіцка ґрупа доручує локалним виберанковим комисииом на формулару хтори предписує Републична виберанкова комиссия.

Кед же посланіцка ґрупа не доручи на час предклад за менованє члена, односно заменіка члена виберацкого одбору у стаємним составе, локална виберанкова комиссия до виберацкого одбору у стаємним составе менує особу хтору предложи начальнік општинскей, односно городской управи.

Кед предложи члена, односно заменіка члена до виберацкого одбору у стаємним составе, начальнік општинскей, односно городской управи, по можлівосци, дава предносц особи хтора прешла през обуку за роботу у виберацким одборе и ма искусство у запровадзованю виберанкох.

Виберацки одбори у стаємним составе у иножемстве и у заводах за вивершенє виновних санкцийох

Член 38.

Члена и заменіка члена виберацкого одбору у стаємним составе у иножемстве менує Републична виберанкова комиссия на предклад министерства компетентного за вонкашні діла, по можлівосци зоз шорох виберачох хтори маю перебуванє у иножемстве, а председателя виберацкого одбору ше менує зоз шорох занятих у дипломатско-конзуларним представніцтве Републики Сербии у иножемстве (у дальшим тексту: дипломатско-конзуларне представніцтво).

Члена и заменіка члена виберацкого одбору у стаємним составе у заводу за вивершенє виновних санкцийох менує Републична виберанкова комиссия на предклад министерства хторе компетентне за правосудство, а ані

єден спомедзи нїх не може буц особа хтора роби у тим министерстве або хтора гласа у заводу.

Виберацки одбор у преширеним составе

Член 39.

Члена и заменїка члена виберацкого одбору у преширеним составе менує локална виберанкова комисија на предклад подношителя преглашеней виберанковой лїстини.

Члена и заменїка члена виберацкого одбору у преширеним составе и иножемстве и у заводах за вивершене виновних санкцийох менує Републична виберанкова комисија на предклад подношителя преглашеней виберанковой лїстини.

Предклад за менованє члена и заменїка члена виберацкого одбору у преширеним составе подношитель преглашеней виберанковой лїстини доручує на формулару хтори предписує Републична виберанкова комисија.

Поступок предкладаня члена и заменїка члена виберацкого одбору у преширеним составе подробнейше ушорює Републична виберанкова комисија.

Пригварка процив ришення о менованю члена и заменїка члена виберацкого одбору

Член 40.

Против ришення зоз хторим одбити або одруцени предклад за менованє члена, односно заменїка члена виберацкого одбору подношитель предкладу може поднесц пригварку Републичней виберанковой комисиї у року од 48 годзинох од обявйованя того ришення на веб-презентації.

Против ришення о менованю члена, односно заменїка члена виберацкого одбору у стаємним составе подношитель преглашеней виберанковой лїстини, посланїцка ґрупа и виберач можу поднесц пригварку Републичней виберанковой комисиї у року од 48 годзинох од обявйованя того ришення на веб-презентації.

Против ришення о менованю члена, односно заменїка члена виберацкого одбору у преширеним составе подношитель преглашеней виберанковой лїстини и виберач можу поднесц пригварку Републичней виберанковой комисиї у року од 48 годзинох од обявйованя того ришення на веб-презентації.

Премєнка члена виберацкого одбору

Член 41.

Члена, односно заменїка члена виберацкого одбору у стаємним составе мож премєнїц на вимаганє овласцєного предкладача найпознейше три днї скорей дня гласаня.

Винїмково, председателя и заменїка председателя виберацкого одбору мож премєнїц найпознейше по отверанє виберанкового места за гласанє кед же умру, похоря ше або страца виберацке право.

Ришенє о премєнки члена, односно заменїка члена виберацкого одбору приноши комисија хтора го меновала до виберацкого одбору, односно член комисиї хторого вона за того овласци.

III. ВИБЕРАНКОВИ МАТЕРИЈАЛ

Общи правила

Член 42.

За запровадзоване виберанкох ше хаснуе виберанкови материял виробени у складзе зоз тим законом и упутством Републичней виберанковой комисии.

Републична виберанкова комисия обезпечуе гласацки лісток, контролни ліст за проверйоване исправносци гласацкей шкатули (у дальшим тексту: контролни ліст), вивод зоз списку виберацох, збирну виберанкову лістину кандидатох за народних посланікох (у дальшим тексту: збирна виберанкова лістина), формулар записніка о работи виберацкогo одбору, гласацку шкатулу, параван за обезпечоване тайносци гласаня (у дальшим тексту: параван), спрей за означоване пальца виберача, UV-лампy и други материял потребни за запровадзоване гласаня.

Одлуку зоз хтору утвердзуе фарбу гласацкогo лістка и фарбу контролногo ліста Републична виберанкова комисия обявуе у „Службеним гласніку Републики Сербии”.

Гласацки лісток и контролни ліст не можy буц истей фарби.

Гласацки лістки и други виберанкови материял ше друкуе у друкарні Явного подприємства „Службени гласнік” (у дальшим тексту: друкарня).

Гласацки лісток

Член 43.

На гласацким лістку наведзени:

- 1) назва виберанкох и датум гласаня;
- 2) шорне число хторе ше кладзе опрез назви виберанковой лістини;
- 3) назви виберанкових лістинох по розпорядку утвердзеним на збирней вибернаковой лістини зоз меном и презвиском першого кандидата зоз виберанковой лістини;
- 4) надпомнуце же ше гласа лем за єдну виберанкову лістину и то так же ше заокружи шорне число опрез назви тей лістини;
- 5) надпомнуце же гласане тайне, же ше окончуе за параваном за гласане и же потим як пополні гласацки лісток, виберач треба же би го прегнул так же би не було видно як є пополнети и же би так прегнути лісток уруцел до гласацкей шкатули;
- 6) оцисок печаца Републичней виберанковой комисии.

Хасноване языкох и писмох

Член 44.

Текст гласацкогo лістка ше друкуе на сербским языку, зоз кирилским писмом.

За општини, односно городи у хторих на дзень розписованя виберанкох у урядовим хаснованю язык националней меншини, текст гласацкогo лістка ше друкуе на сербским языку, зоз кирилским писмом, а под нїм ше друкуе текст на языку и писму националней меншини зоз буквами истей форми и велькосци.

Кед же у општини, односно городу на дзень розписованя виберанкох у урядовим хаснованю вецей языки националних меншинох, текст на языкох

національних меншинох ше випишує после текста на сербским язика по азбучним шоре назвох язикох націоналней меншини.

Число гласацких лісткох

Член 45.

Число гласацких лісткох хтори ше друкує муши буц єднаке вкупному числу виберачох уписаних до списку виберачох.

Републична виберанкова комисија зоз одлуку хтору ше обявює у „Службеним гласніку Републики Сербії” утвердзує число гласацких лісткох хтори ше друкує.

Друкованє гласацких лісткох

Член 46.

Гласацки лістки ше друкує на паперу захиценим зоз водовим печатом.

Републична виберанкова комисија зоз одлуку утвердзує форму и випатрунок гласацкого лістка, а состояйна часц тей одлуки и прикладнік гласацкого лістка.

На основи овереного прикладніка гласацкого лістка друкарня окончує пририхтованє за друкованє гласацких лісткох.

Перши прикладніки гласацких лісткох ше такой на месце зніщує аж покля ше не видрукує гласацки лісток хтори виполнює потребни графични стандарди.

Перши видруковани гласацки лісток хтори виполнює потребни графични стандарди поровнує зоз овереним прикладніком гласацкого лістка председатель Републичней виберанковей комисиї або особа хтору вон за тото овласци.

Потим як утвердзи же ше видруковани прикладнік гласацкого лістка поклопує зоз овереним прикладніком, председатель Републичней виберанковей комисиї або особа хтору вон за тото овласци зоз своїм подписом допуцує друкованє гласацкого лістка у утвердзеним чишле прикладнікох.

Зніщованє гласацких лісткох хтори технічни звишок и материялу за пририхтованє друкованя гласацких лісткох

Член 47.

Такой по законченю друкованя, у присустве найменей трох овласчених членох, односно заменікох членох Републичней виберанковей комисиї хтори меновани на предклад розличних овласчених предкладачох зніщує ше шицки гласацки лістки хтори технічни звишок, як и шицок материял хтори служел за пририхтованє друкованя гласацких лісткох и о тим ше составя записнік.

Кед ше одредзує членох, односно заменікох членох Републичней виберанковей комисиї хтори присуствую зніщованю гласацких лісткох хтори технічни звишок и материялу хтори служел за пририхтованє друкованя гласацких лісткох, найменей єден член, односно заменік члена Републичней виберанковей комисиї муши буц представитель опозиційней виберанковей лістини (виберанкова лістина чий подношитель не парламентарна странка, односно виберанкова лістина чий подношитель не часц парламентарней векшини на дзень кед одлука о розписованю виберанкох ступела на моц).

Надпатранє друкованя и примопридаваня гласацких лісткох

Член 48.

Републична виберанкова комісія контролює друковане гласацких лісткох.

Представніки подношительоох виберанкових лістинох и представніки домашніх и странских припатрачох маю право буц присутни при друкованю, чишленю и пакованю гласацких лісткох и їх доручованю Републичней виберанковой комісії, локалним виберанковим комісиейом и виберацким одбором пред гласаньом и по гласаню.

Републична виберанкова комісія длужна на час обвисциц подношительоох виберанкових лістинох и домашніх и странских припатрачох о тим же дзе и кеди почина друкованє гласацких лісткох, дзе и кеди ше гласацки лістки придава локалним виберанковим комісиейом, як и о тим же дзе и кеди ше гласацки лістки придава виберацким одбором.

Прикрацованє права на надпатранє друкованя и примопридаваня гласацких лісткох

Член 49.

Представнік Републичней виберанковой комісії хтори овласцени контроловац друкованє гласацких лісткох може представнікови преглашеней виберанковой лістини и представнікови домашнього або странского припатрача прикрациц право на надпатранє друкованя гласацких лісткох кед же зопера друкованє и пакованє гласацких лісткох або кед ше не притримує предписаних мирох зашити у друкарні, о чим ше такой составя службену призначку хтору ше такой доручує Републичней виберанковой комісії.

Представнік Републичней виберанковой комісії, локалней виберанковой комісії и виберацкого одбору хтори овласцени за окончоване роботох примопридаваня гласацких лісткох пред гласаньом и по гласаню можу представнікови преглашеней виберанковой лістини и представнікови домашнього або странского припатрача прикрациц право же би провадзел примопридаванє гласацких лісткох кед же зопера примопридаванє гласацких лісткох и о тим ше составя службену призначку хтору ше такой доручує Републичней виберанковой комісії.

Против одлуки же би ше представнікови преглашеней виберанковой лістини и представнікови припатрача прикрацело право на надпатранє друкованя гласацких лісткох, односно право же би провадзел примопридаванє гласацких лісткох, припатрач, односно подношитель преглашеней виберанковой лістини чийому представнікови прикрацене право на надпатранє або на припатранє може поднесц пригварку Републичней виберанковой комісії у року од 48 годзинох одкеди представнікови прикрацене право на надпатранє, односно на припатранє.

Гласацка шкатула

Член 50.

За гласанє на виберанкох ше хаснує превидну гласацку шкатулу зоз рухому закривку хтора ма отвор за уруцованє гласацких лісткох.

Републична виберанкова комісія подробнейше предписує форму и димензії гласацкей шкатули.

Спрей за означованє пальца виберача

Член 51.

Як знак же виберач гласал означує ше палец виберача зоз спрејом зоз спеціалней нерозпущуюей УВ-тинти хтору видно под шветлосцу УВ-лампи.

Параван

Член 52.

Републична виберанкова комісія предписує форму и димензії паравана и способ на яки ше их поставя на виберанковим месце.

Чуванє виберанкового материялу по законченю виберанкох

Член 53.

Гласацки лістки, контролни лісти и виводи зоз списку виберачох ше чува еден рок од дня обявйованя вкупного звіту о резултатох виберанкох.

Други виберанкови материял и документацию у вязи зоз запровадзованьом виберанкох чува ше у складзе зоз предписанями зоз хторима ше ушорює чуванє архивного и документарного материялу.

Право на увид до виберанкового материялу по законченю гласаня

Член 54.

Представнік подношителя преглашеней виберанковой лістини и кандидат за народного посланіка маю право у року од пейцох дньох од дня гласаня окончиц увид до виберанкового материялу у службених просторийох локалней виберанковой комісії, уключуюци виводи зоз списку виберачох, записніки о роботі виберацких одборох и гласацки лістки.

Увид до виберанкового материялу зоз виберанкових местох у иножемстве окончує ше у службених просторийох Републичней виберанковой комісії.

Кед ше окончує увид до виберанкового материялу, забранєне знімац, фотографовац и призначовац податки о виберачох зоз списку виберачох, як и копирац виводи зоз списку виберачох.

Републична виберанкова комісія подробнейше предписує способ витворйованя права на увид до виберанкового материялу.

Правила хтори ше одноша на витворйованє права на увид представніка подношителя преглашеней виберанковой лістини и кандидата за народного посланіка применює ше и на вимоги за увид до виберанкового материялу по основи других законох, як и на вимоги за увид до виберанкового материялу у складзе зоз одредбами того закона хтори ушорюю контролю записніка о роботі виберацкого одбору хтору окончую члени Републичней виберанковой комісії и локалней виберанковой комісії и контролю записніка о роботі виберацкого одбору по прикладніку.

Информация о евидентованю у виводу зоз списку виберачох

Член 55.

Виберач ма право питац од локалней виберанковой комісії информацию о тим же чи у виводу зоз списку виберачох евидентоване же гласал на виберанкох.

Републична виберанкова комісія компетентна за даване інформаційох о тим же чи у виводу зоз списку виберачох евидентоване же виберач гласал на виберанковим месце у иножемстве.

Републична виберанкова комісія предписує способ витворйованя права на інформацію о тим же чи евидентоване же даєден виберач гласал.

IV. ВИБЕРАНКОВО МЕСТА

Компетенция за одредзованє виберанкових местох

Член 56.

Локална виберанкова комісія одредзує виберанково места на основі предкладу општинских, односно городских управох найпознейше дзешец дні од дня кед одлука о розписованю виберанкох ступела на моц.

Републична виберанкова комісія одредзує виберанково места у заводох за вивершенє виновних санкційох на предклад министерства компетентного за правосудство и виберанково места у иножемстве на предклад министерства компетентного за вонкашні діла найпознейше 20 дні скорей дня гласаня.

Виберанково места на хторих гласаю особи хтори ше на дзень гласаня находза на одслуженю военого рока, на военей вежби або на школованю у єдинкох або установох Войска Сербії утврдзує Републична виберанкова комісія на предклад министерства компетентного за водзене списка виберачох, хтори воно составя у сотрудніцтве зоз општинским, односно городским управами на основі податкох хтори им доручує министерство компетентне за одбрану.

Способ одредзованя виберанкових местох

Член 57.

Виберанкове место ше одредзує так же би було доступне виберачом и же би ше им оможлівело гласанє без почежкосцох.

Виберанкове место ше, по можлівосци, одредзує за гласанє найвецей 2.500, а найменей 100 виберачох.

У винімкових случайох, виберанкове место ше, зоз согласносцу Републичней виберанковей комісії, може одредзиц и за вецей як 2.500 виберачох кед же нет условия же би ше отворело вецей виберанково места, односно за меней як 100 виберачох кед же би пре просторну оддаленосц або невігодне географске положенє жительом одредзеного места було досц очежане гласанє на другим виберанковим месце.

За кажде виберанкове место ше одредзує число виберанкового места, назву виберанкового места, адресу виберанкового места и подруче зоз хторого гласаю вибераче на тим виберанковим месце (улічка, валал, валалчик, населене и под.).

Способ одредзованя виберанкових местох подробнейше предписує Републична виберанкова комісія.

Просторії за гласанє

Член 58.

За виберанково места ше одредзує просторії у обектох у явней власносци, а лем винімково и просторії у обектох у приватней власносци.

За виберанкове место не може буц одредзена простория у вирским обекту, обекту у власносци политичней странки або обекту хтори хаснуе политична странка, як ані у обекту у власносци кандидата за народного посланіка або члена його фамеліі.

Шицки обекти у хторих ше находза просторіі одредзени як виберанково места, без огляду чи су у явней, чи у приватней власносци, подрозумюе ше под час тирваня гласаня як обекти за явне хасноване у смислу закона хтори ушорюе рушане з помоцу пса водзача.

V. ЦЕК ВИБЕРАНКОВОГО ПОСТУПКУ

1. Розписованє виберанкох

Компетенция за розписованє виберанкох

Член 59.

Виберанки розписуе председатель Републики.

Одлука о розписованю виберанкох ступа на моц того дня кед є обявена у „Службеним гласніку Републики Сербії”.

Роки за розписованє виберанкох и гласанє

Член 60.

Одлуку о розписованю виберанкох ше приноси 90 дні пред тим як вичечу штири роки од дня кед конституована Народна скупштина.

Од дня розписованя виберанкох по дзень гласаня не може прејсц меней як 45 ані вецей як 60 дні.

Змист одлуки о розписованю виберанкох

Член 61.

Зоз одлуку о розписованю виберанкох ше одредзуе дзень гласаня.

За дзень гласаня ше одредзуе нероботни дзень.

2. Подношенє виберанковой лістини

Подношитель виберанковой лістини

Член 62.

Виберанкову лістину може поднесц политична странка уписана до Регістру политичних странкох (у дальшим тексту: политична странка), коалиция политичних странкох и група гражданох.

Виберанкову лістину не може поднесц коалиция хтору творя политична странка и група гражданох.

Политична странка як подношитель виберанковой лістини

Член 63.

Виберанкову лістину у мено политичней странки подноши заступнік уписани до Регістру политичних странкох або особа хтору вон за тото овласци.

Овласцене за подношене виберанковой лістини ше дава у писаней форми, а подпис на овласценю не муши буц оверени.

Коалиция политичних странкох як подношитель виберанковой лістини

Член 64.

Коалицию политичних странкох (у дальшим тексту: коалиция) формую найменей два политични странки зоз спорозуменьом (у дальшим тексту: коалиційне спорозуменє) хторе ше заключає у форми явно овереного (леґализованого) документа.

У коалиційним спорозуменю обовязно наведзени:

- 1) назва коалиції;
- 2) навод же ше коалицию формує пре подношене виберанковой лістини за участвоване на виберанкох за народних посланікох;
- 3) назва виберанковой лістини;
- 4) податки о найвецей двох особох хтори ше овласцує за подношене виберанковой лістини (мено и презвиско, ЄМЧГ, место и адреса биваня, число телефона и адреса за примане електронскей пошти);
- 5) назначенє политичней странки и податки о особи хтора одвичательна за финансійне діловане, подношене звита, почитоване обовязкох, забранох и ограніченьох яки предписани зоз законом зоз хторим ше ушорює финансване политичних активносцох, за водзене кніжкох и контакт зоз Аґенцию за зоперане корупції (мено и презвиско, ЄМЧГ, место и адреса биваня, число телефона и адреса за примане електронскей пошти);
- 6) датум заключованя коалиційного спорозуменя.

Коалиційне спорозуменє муши буц заключене и оверене потим як на моц ступи одлука о розписованю виберанкох, а пред тим як почне зберане подписох виберачох за потримовку виберанковой лістини.

Ґрупа гражданох як подношитель виберанковой лістини

Член 65.

Ґрупу гражданох формую найменей дзешец вибераче зоз спорозуменьом хторе ше заключає у форми явно овереного (леґализованого) документа.

У спорозуменю о формованю ґрупи гражданох обовязно наведзени:

- 1) назва ґрупи гражданох;
- 2) навод же ше ґрупу гражданох формує пре подношене виберанковой лістини за учасц на виберанкох за народних посланікох;
- 3) мено, презвиско, ЄМЧГ, место и адреса биваня виберачох хтори формую ґрупу гражданох;
- 4) назва виберанковой лістини;
- 5) податки о найвецей двох особох хтори ше овласцує за подношене виберанковой лістини (мено и презвиско, ЄМЧГ, место и адреса биваня, число телефона и адреса за примане електронскей пошти);
- 6) податки о особи хтора одвичательна за финансійне діловане, подношене звита, почитоване обовязкох, забранох и ограніченьох яки предписани зоз законом зоз хторим ше ушорює финансване политичних активносцох, за водзене кніжкох и контакт зоз Аґенцию за зоперане корупції (мено и презвиско, ЄМЧГ, место и адреса биваня, число телефона и адреса за примане електронскей пошти);

7) датум заключованя спорозуменя о формованю ґрупи гражданох.

Спорозумене о формованю ґрупи гражданох муши буц заключене и оверене потим як на моц ступи одлука о розписованю виберанкох, а пред тим як почне зберане подписох виберачох за потримовку виберанковой лістини.

Положенє особи хтора овласцена за подношенє виберанковой лістини

Член 66.

Подношитель виберанковой лістини може овласциц найвецей два особи за подношене виберанковой лістини.

Кед же иншак не одредзене зоз актом зоз хторим за подношене виберанковой лістини овласцени два особи, каждая з нїх може самостойно поднімац дії за хтори є овласцена.

Особа хтора овласцена за подношене виберанковой лістини може у мено подношителя виберанковой лістини окончовац и други роботи у виберанковим поступку кед же подношитель виберанковой лістини иншак не одредзел зоз актом зоз хторим ей дава тото овласценє.

Оповоланє и зужованє овласценя за подношене виберанковой лістини и за подніманє других діїох у виберанковим поступку почина спричиньовац правне дійство кед Републична виберанкова комисија приме писане обвисценє о тим.

Особа овласцена за подношене виберанковой лістини може свойо овласценє пренєсц на другу особу кед же подношитель виберанковой лістини не одредзел иншак зоз актом зоз хторим ше дава овласценє.

Назва подношителя виберанковой лістини

Член 67.

Политична странка у виберанковой лістини як назву подношителя лістини наводзи свою полну и/або скрацену назву под хтору є уписана до Регістру политичних странкох.

Коалиция у виберанковой лістини як назву подношителя виберанковой лістини наводзи назву утвєрдзєну зоз коалицийним спорозумєньом хтора муши починац зоз словом: Коалиция.

Ґрупа гражданох у виберанковой лістини як назву подношителя виберанковой лістини наводзи назву утвєрдзєну зоз спорозумєньом о формованю ґрупи гражданох хтора муши починац зоз словом: Ґрупа гражданох.

У назви ґрупи гражданох не може буц слово „странка” або „партия” анї у єдним припадку.

У назви колициї або ґрупи гражданох може буц мєно и презвиско физичней особи або назва правней особи кед же ше вона зоз тим соглаши у писаней форми, при чим ше трима же ше физична особа зоз подписованьом виберанковой лістини, коалицийного спорозумєня, спорозумєня о формованю ґрупи гражданох або овласценя за заключованє тих спорозумєньох соглашєла и зоз тим же би ше ей мєно похасновало у назви подношителя виберанковой лістини.

Назва виберанковей лістини

Член 68.

Политична странка у виберанковей лістини наводзи назву своєї лістини, покля коалиция и ґрупа гражданох у виберанковей лістини наводза назву лістини яка утвердзена зоз коалиційним спорозуменьом, односно спорозуменьом о формованю ґрупи гражданох.

У назви виберанковей лістини може буц и назва правней особи кед же ше правна особа зоз тим соглаши у писаней форми.

У назви виберанковей лістини хтору подноши ґрупа гражданох не може буц слово „странка” або „партия” ані у єдним припадку.

Ношитель лістини

Член 69.

У назви виберанковей лістини може буц мено и презвиско єдней або вецей физичних особох (ношитель лістини) кед же ше вони зоз тим соглаша у писаней форми, при чим же трима же ше особа зоз подписованьом виберанковей лістини, овласценя за подношенє виберанковей лістини, коалиційного спорозумєня, спорозумєня о формованю ґрупи гражданох або овласценя за заключованє тих спорозумєньох соглашела и зоз тим же би ше ей мено похасновало у назви виберанковей лістини.

У назви виберанковей лістини може попри мена ношителя лістини буц и його назвиско або общепознати псевдоним.

У назви виберанковей лістини не можу буц мена историйних або видуманих особох.

Ношитель лістини може, але не муши буц кандидат за посланіка на тей виберанковей лістини.

Ношитель лістини може буц и особа хтора кандидат за други державни орґан, односно кандидат або ношитель лістини за вибор орґанох автономней покраїни або єдинкох локалней самоуправи за хтори ше источашне запровадзує виберанки.

Иста особа не може буц ношитель двох виберанкових лістинох, а тиж так не може буц ношитель єдней виберанковей лістини, а кандидат за народного посланіка на другей виберанковей лістини.

Рок за подношенє виберанковей лістини и єй змист

Член 70.

Виберанкову лістину ше подноши непоштрєдно Републичней виберанковей комисії у писаней и електронскей форми на предписаним формулару, а найпознейше 20 дні скорей дня гласаня.

На виберанковей лістини наведзени назва подношителя виберанковей лістини, назва виберанковей лістини, шорне число кандидата за народного посланіка, як и мено, презвиско, ЄМЧГ, заніманє, место и адреса биваня за каждого кандидата за народного посланіка, мено, презвиско, ЄМЧГ, место и адреса биваня, число телефона, адреса за приманє електронскей пошти и подпис особи хтора подноши виберанкову лістину.

Кед же виберанкову лістину подноши коалиция, у виберанковей лістини ше за каждого кандидата за народного посланіка наводзи полну або скрацену назву политичней странки хтора го кандидовала.

По преглашеню виберанковой лістини, подношитель виберанковой лістини не може меняц розпорядок кандидатох на виберанковой лістини.

Документация хтору ше доручує зоз виберанкову лістину

Член 71.

При подношеню виберанковой лістини Републичней виберанковой комісії обовязно ше доручує и шлїдууюцу документацию:

1) писану согласносц каждого кандидата же прилапює кандидатуру за народного посланїка на формулару хтори предписує Републична виберанкова комиссия, а у хторей наведзени його мено, презвиско, ЄМЧГ, занїманє, место и адреса биваня;

2) документ о одчитаней особней легїтимациї зоз микроконтролером (чипом), односно фотокопию особней легїтимациї без микроконтролера за каждого кандидата за народного посланїка;

3) найменей 10.000 писани вияви виберачох же потримую виберанкову лістину на формулару хтори предписує Републична виберанкова комиссия хтори оверени пред вицеком рока за подношенє виберанковой лістини и у хторих наведзени мено, презвиско, ЄМЧГ, место и адреса биваня за каждого виберача;

4) список виберачох хтори подписали поднешени вияви же потримую виберанкову лістину у електронскей форми на формулару хтори предписує Републична виберанкова комиссия, а у хторим наведзени презвиско и мено виберача, його ЄМЧГ и податки о оверїовачови хтори оверел подпис на вияви;

5) писану согласносц ношителя лістини же би ше у назви виберанковой лістини похасновало його особне мено, у хторей наведзени його мено, презвиско, ЄМЧГ, место и адреса биваня кед виберанкова лістина у своєй назви ма його особне мено и кед вон не подписал други документ хтори ше придава з виберанкову лістину, а чийо подписованє ше трима як даванє согласносци же би ше його особне мено похасновало у назви виберанковой лістини;

6) писану согласносц правней особи же би ше у назви виберанковой лістини похасновало ей назву, у хторей наведзени назва и шедзиско правней особи хтора тоту согласносц дава;

7) овласценє же би ше у мено политичней странки поднесло виберанкову лістину кед же ю не подноши заступнїк уписани до Регїстра политичних странкох, хторе ше дава у писаней форми, а у хторим наведзени мено, презвиско, ЄМЧГ, место и адреса биваня овласценой особи;

8) коалицийне спорозуменє кед же виберанкову лістину подноши коалиция;

9) овласценє же би ше у мено политичней странки заключело коалицийне спорозуменє кед же го не заключел заступнїк уписани до Регїстра политичних странкох, хторе ше дава у писаней форми, а у хторим наведзени мено, презвиско, ЄМЧГ, место и адреса биваня овласценой особи;

10) спорозуменє о формованю ґрупи гражданох кед же виберанкову лістину подноши ґрупа гражданох;

11) писану согласносц же би ше у назви коалициї, односно ґрупи гражданох похасновало особне мено физичней особи або назву правней особи, у хторей наведзени мено, презвиско, ЄМЧГ, место и адреса биваня физичней особи, односно назва и шедзиско правней особи хтора тоту согласносц дава кед же ше у назви коалициї, односно ґрупи гражданох находзи особне мено тей

фізичней особи, односно назва тей правней особи и кед же тота фізична особа не подписала даяки документ хтори ше придава з виберанкову лістину, а чийо подписованє ше трима як даванє согласносци же би ше ей особне мено похасновало у назви коалиції, односно ґрупи гражданох.

Зберанє подписох виберадох хтори потримую виберанкову лістину

Член 72.

Виберач може зоз подписом потримац лем єдну виберанкову лістину.

Вияву виберача же потримує виберанкову лістину ше оверює у явного нотарара або у општинскей, односно городской управы, а у општинах, односно городах дзе не меновани явни нотараре вияву виберача же потримує виберанкову лістину може овериц и основни суд, судска єдинка або примаца канцелария основного суда.

Винос надополненя за оверйованє подписа виберача хтори потримує виберанкову лістину утврдзує министерство компетентне за правосудство.

Оверена виява виберача же потримує виберанкову лістину полноважна и кед направени помилки при пополньованю формулара вияви кед же зоз сигурносцу мож утврдзиц хторей виберанковой лістини дата потримовка и же вияву оверел компетентни орґан.

Забранене зберац подписи потримовки од виберадох на їх роботним месце або на гоч яки способ окончовац прицисок на виберача же би зоз подписом потримал виберанкову лістину.

Републична виберанкова комисија найпознейше седем дні скорей дня гласаня на веб-презентациї обявює за каждую преглашену виберанкову лістину число оверених виявох виберадох хтори зоз своїм подписом потримали тоту виберанкову лістину по єдинкох локалней самоуправи, зоз податками о тим кельо вияви у рамикох каждой єдинки локалней самоуправи поєдинечно оверел кажди з овласчених оверйовачох (явни нотар, општинска односно городска управа або основни суд, судска єдинка або примаца канцелария основного суда).

Заступеносц полох на виберанковой лістини

Член 73.

На виберанковой лістини муши буц найменей 40% припаднікох меней заступеного полу, так же спомедзи каждих пейцох кандидатох по рядошлїду на лістини (перши пейц места, други пейц места и так по конєц) муша буц три припадніки єдного и два припадніки другого полу.

Рок за одлучованє о виберанковой лістини

Член 74.

Републична виберанкова комисија длужна принєсц одлуку о виберанковой лістини у року од 48 годзинох од ей подношеня.

Преглашенє виберанковой лістини

Член 75.

Републична виберанкова комисија зоз ришеньом преглашує на час поднешену и шорову виберанкову лістину, ґу хторей приложена шицка документация предписана зоз законом и хтора виполнює шицки условия за преглашенє предписани зоз законом.

Вибранково лістини ше преглашує по рядошлїду выполньованя условийох за преглашенє.

Одруцованє вибранковой лістини

Член 76.

Не на час поднєшену вибранкову лістину, нешорову вибранкову лістину и вибранкову лістину хтору поднєсла особа хтора по закону не овласцена предкладац кандидатох за народних посланїкох Републична вибранкова комисија одруцує зоз ришеньом.

Под нешорову вибранкову лістину ше подроумює список кандидатох за народних посланїкох хтори не поднєшени на предписаним формулару або хтори не ма назву вибранковой лістини лебо назву подношителя вибранковой лістини лебо предписани податки о кандидатох за народних посланїкох.

Одбиванє преглашеня вибранковой лістини

Член 77.

Републична вибранкова комисија зоз ришеньом одбива преглашиц вибранкову лістину кед же за народного посланїка предложена особа хтора не ма вибранкове право, хтора кандидат за народного посланїка на пред тим преглашеней вибранковой лістини або хтора ношитель пред тим преглашеней вибранковой лістини, кед не почитовани законски правила о заступеносци полох на вибранковой лістини и кед назва подношителя вибранковой лістини и назва вибранковой лістини не одредзени у складзе зоз законом.

Одклоньованє недостаткох

Член 78.

Кед подношитель вибранковой лістини не приложел шицку документацию хтору ше доручує з вибранкову лістину и кед єст други недостатки за преглашенє вибранковой лістини хтори не представляю основу за одруцованє або одбиванє вибранковой лістини, Републична вибранкова комисија приноси заключенє зоз хторим наклада подношительови же би тоти недостатки одклонел у року од 48 годзинох од обявйованя того заключеня на веб-презентациї и указує му хтору документацию ма доручиц, односно цо ма зробиц же би одклонел тоти недостатки и спозорує го на правни пошлїдки кед же не одклонї недостатки у року.

Кед подношитель вибранковой лістини не доручи документацию, односно не одклонї недостатки на хтори му указала зоз заключеньом, Републична вибранкова комисија у року од 24 годзинох од вицека рока за поступанє по заключеню приноси ришенє зоз хторим одбива преглашиц тоту вибранкову лістину.

Кед подношитель вибранковой лістини одклонї шицки недостатки на хтори му указала зоз заключеньом, Републична вибранкова комисија муши у року од 24 годзинох од одклоньованя недостаткох принєсц ришенє зоз хторим преглашує тоту вибранкову лістину.

Пригварки процив одлукох о вибранковой лістини

Член 79.

Против ришеня о одбиваню преглашеня вибранковой лістини и ришеня о одруцованю вибранковой лістини подношитель вибранковой лістини може поднєсц пригварку Републичней вибранковой комисиї у року од 48 годзинох од обявйованя того ришеня на веб-презентациї.

Против рішення о преглашеню виберанкової лістини кандидат за народного посланіка на тей виберанкової лістини, особа чийо мено ше находзи у назви тей виберанкової лістини, односно у назви подношителя тей виберанкової лістини, політична странка, подношитель преглашеної виберанкової лістини и виберач могу поднесц пригварку Републичней виберанкової комісії у року од 48 годзинох од обявйованя того рішення на веб-презентації.

Против заключеня зоз хторим ше наклада подношительови же би одклонел недостатки виберанкової лістини не дошлебодзена пригварка, але тото заключене мож побиц зоз пригварку против рішення зоз хторим одлучене о виберанкової лістини.

Право на увид

Член 80.

Подношитель преглашеної виберанкової лістини ма право у року од 48 годзинох од дня обявйованя збирней виберанкової лістини окончиц, преїг особи хтору овласци, увид до шицких поднешених виберанкових лістинох и документації поднешеної з німа.

Кед ше окончує увид до преглашених виберанкових лістинох и документації хтора поднешена з німа, забранене знімац, фотографовац и призначовац податки о особи.

Правила хтори ше одноша на витворйованє права на увид представніка подношителя преглашеної виберанкової лістини применює ше и на вимоги за увид до преглашених виберанкових лістинох и документації хтора поднешена з німа по основи других законох.

Поцагованє преглашеної виберанкової лістини

Член 81.

Подношитель може поцагнуц преглашену виберанкову лістину найпознейше по дзень кед ше утврдзує збирну виберанкову лістину.

Преглашену виберанкову лістину хтору поднесла коалиция мож поцагнуц кед ше зоз тим соглаша шицки странки хтори заключели коалиційне спорозумєнє, гібаль же зоз коалиційним спорозумєньом одредзене иншак.

Преглашену виберанкову лістину хтору поднесла група гражданох мож поцагнуц кед ше зоз тим соглаша шицки вибераче хтори формовали групу гражданох, гібаль же зоз спорозумєньом о формованю групи гражданох одредзене иншак.

Републична виберанкова комісія найпознейше по дзень кед ше утврдзує збирну виберанкову лістину зоз рішеньом констатує же преглашена виберанкова лістина поцагнута.

Вихабянє кандидата зоз преглашеної виберанкової лістини

Член 82.

Кандидат за народного посланіка не може одустац од кандидатури после того як принесене рішенє о преглашеню виберанкової лістини.

Кед кандидат за народного посланіка умре або страци виберанкове право после того як принесене рішенє о преглашеню виберанкової лістини, подношитель виберанкової лістини не може предложити нового кандидата, а Републична виберанкова комісія найпознейше по дзень кед ше утврдзує

збирну виберанкову лістину зок рішенням констатує же место того кандидата на виберанковей лістини остава празне.

Преглашену виберанкову лістину не мож оспорйовац у случаю же пре шмерц або траценє виберанкового права нарушене зок законом предписане правило о заступеносци полох на виберанковей лістини.

Збирна виберанкова лістина

Член 83.

Републична виберанкова комисија приноси одлуку зок хтору утвердзує збирну виберанкову лістину и обявює ю у „Службеним гласніку Републики Сербії” најпознейше 15 дні скорей дня гласаня.

У збирней виберанковей лістини наведзени шицки виберанково лістини зок особнима менами шицких кандидатох за народних посланікох и податками о року їх народзєня, заніманю и месце биваня.

Рядошлїд виберанкових лістинох на збирней виберанковей лістини ше утвердзує по рядошлїду по яким су преглашени.

У општини и городу у хторих на дзєнь розписованя виберанкох у урядовим хаснованю язык националней меншини, попри збирней виберанковей лістини хтору ше друкує на сербским языке зок кирилским писмом, друкує ше и збирну виберанкову лістину на языке и писме националней меншини зок буквама истей форми и велькосци.

Збирна виберанкова лістина муши буц обачлїво виложена на виберанковим месце под час гласаня.

Пригварка на збирну виберанкову лістину

Член 84.

Процив одлуки о утвердзованю збирней виберанковей лістини подношитель преглашеней виберанковей лістини може поднесц пригварку Републичней виберанковей комисиї у року од 48 годзинох од обявйованя тей одлуки на веб-презентациї.

Зок пригварку процив одлуки о утвердзованю збирней виберанковей лістини не мож оспорйовац полноважносц преглашеней виберанковей лістини.

3. Гласанє на виберанковим месце

Виберанкове место на хторим виберач гласа

Член 85.

Виберач гласа на виберанковим месце на хторим є уписани до виводу зок списку виберачох.

Винїмково, виберач може гласац и звонка виберанкового места на хторим є уписани до виводу зок списку виберачох, у складзе зок законом.

Поволанка за гласанє

Член 86.

Општинска, односно городска управа најпознейше пейц дні скорей дня гласаня доручує виберачови поволанку за гласанє у хторей наведзени: дзєнь и час гласаня, число и адреса виберанкового места и число под хторим виберач уписани до виводу зок списку виберачох.

Виберачови хтори гласа у иножемстве поволанку за гласанє доручує дипломатско-конзуларне представніцтво.

Виберачови хтори гласа у заводу за вивершене виновних санкційох поволанку за гласане доручує министерство компетентне за правосудство.

Виберачови хтори ше на дзень гласаня находзи на одслуженю воєного року, на восней вежби або на школованю у єдинкох або установах Войска Сербії поволанку за гласане доручує министерство компетентне за одбрану.

Общи правила о работи виберацкогo одбору

Член 87.

Виберацки одбор муши буц на виберанковим месце годзину пред отвераньом виберанкового места и покля тирва гласане и утвєрдзоване резултатох гласаня.

Член виберацкогo одбору и його заменїк можу буц присутни на виберанковим месце источашнє або ше можу зменьовац.

Подполноц и исправноц виберанкового материялу

Член 88.

Виберацкому одбору ше найпознєйше 24 годзини скорей дня гласаня доручує потребне число гласацких лїсткох, контролни лїст, гласацку шкатулу, збирну виберанкову лїстину, формулар записнїка о работи виберацкогo одбору, формулар записнїка о припатрачох на роботу виберацкогo одбору, спрей за означованє пальца виберача, УВ-лампу и други материял потребни за запровадзованє гласаня на виберанковим месце.

Пред початком гласаня виберацки одбор утвєрдзує чи прияти виберанкови материял подполни и исправни.

Поступанє кед виберанкови материял неподполни або неисправни

Член 89.

Кед прияти виберанкови материял неподполни або неисправни, виберацки одбор о тим такой обвисцує локалну виберанкову комисию.

Кед хиби вивод зоз списку виберачох, гласацка шкатула, контролни лїст и други материял без хторого гласане не мож запровадзиц, виберацки одбор не отвєра виберанкове место.

Кед приме менєй гласацки лїстки од числа виберачох хтори уписани до виводу зоз списку виберачох, виберацки одбор длужен отвєриц виберанкове место.

Виберацки одбор не шме дописовац виберачох до виводу зоз списку виберачох, аж анї теди кед дума же даєдна особа вихабена пре очиглядну помилку орґана компетентного за составяне виводу зоз списку виберачох.

Ушоренє виберанкового места

Член 90.

Простория за гласане муши буц ушорена так же би од уходу до просторії места за окончованє виберанкових роботох були поставени по шлїдуюцим рядошлїду: место на хторим член виберацкогo одбору рукує з УВ-лампу, место на хторим ше утвєрдзує идентитет виберача, место на хторим ше находзи вивод зоз списку виберачох, место на хторим член виберацкогo одбору рукує зоз спреєм за означованє пальца виберача, место на хторим ше уручує гласацки лїстки, место на хторим поставени паравани и место на хторим поставена гласацка шкатула.

О ушореню виберанкових местох ше стараю локална виберанкова комисија, виберацки одбор и општинска, односно городска управа.

О ушореню виберанкових местох у иножемстве ше стараю виберацки одбор и министерство компетентне за вонкашні діла.

О ушореню виберанкових местох у заводах за вивершенє виновних санкційох ше стараю виберацки одбор и министерство компетентне за правосудство.

Подробнейши правила о ушореню просторії за гласанє предписує Републична виберанкова комисија.

Тирванє гласаня на виберанковим месце

Член 91.

Гласанє тирва неперивно од 7.00 по 20.00 годзин.

Кед отверанє виберанкового места одложено або кед гласанє претаргнуते длужей як годзину, гласанє ше предлужує за тельо часу за кельо отверанє виберанкового места було одложено, односно за тельо часу кельо тирвала прерва у гласаню.

Виберанкове место ше завера скорей 20.00 годзин кед одгласаю шицки вибераче уписани до виводу зоз списку виберачох, а резултати гласаня на тим виберанковим месце ше не шме явно сообщовац анї викладац на виберанковим месце скорей 20.00 годзин.

Републична виберанкова комисија, водзаци рахунку о розлики у часових зонох, одредзує час початку и законченя гласаня на виберанкових местох у иножемстве, так же би тирвал 13 годзини и закончел ше найпознейше на 20.00 годзин по чаше у Републики Сербії.

Резултати гласаня на виберанкових местох у иножемстве ше не шме явно сообщовац анї викладац на виберанковим месце пред тим як ше закончи гласанє у Републики Сербії.

Исправносц гласацкей шкатули

Член 92.

Виберацки одбор у присустве виберача хтори перши придзе на виберанкове место утврдзує же гласацка шкатула исправна и празна и тото уписує до контрольного ліста.

Контролни ліст подписую виберач хтори перши придзе на виберанкове место и найменей еден член виберацкого одбору.

Виберацки одбор у присустве виберача хтори перши придзе на виберанкове место уруцує пополнети и подписани контролни ліст до гласацкей шкатули хтору потим печатує.

Исправносц гласацкей шкатули не мож перевіриц у присустве виберача за хторого после перевірюваня зоз УВ-лампку утврдзене же вишол на виберанки на другим виберанковим месце, хтори не ма важаци явни документ за утврдзоване идентитета, хтори не уписани до виводу зоз списку виберачох и хтори член виберацкого одбору на тим виберанковим месце.

Гласанє на виберанковим месце

Член 93.

Виберацки одбор уручує гласацки лісток виберачови за хторого зоз УВ-лампку утврдзел же не гласал на другим виберанковим месце, хторому

утвердзел ідентитет зоз увидом до його особней легітимації або другого одвитуючого явного документа зоз фотографію и ЄМЧГ (напр. драгови документ, воєна легітимація и други документ у складзе зоз упутством Републичней виберанковей комісії) и хтори уписани до виводу зоз списку виберачох.

Виберач за хторого после перевірюваня зоз УВ-лампу утвердзене же ма шліди УВ-тінти на пальцох, може гласац кед поднесе на увид рішене же є член виберацкого одбору.

Кед компетентни член виберацкого одбору заокружи шорне число под хторим виберач уписани до виводу зоз списку виберачох и кед ше виберач подпише до виводу зоз списку виберачох, виберацки одбор му означає указуюци палец на правой руки, односно други одвитуюци палец на руки зоз спреюм хтори остава як означене найменей 24 годзини и придава му єден гласацки лісток.

Виберач пополнює гласацки лісток за параваном хтори поставени так же би обезпечел подполну тайнось гласаня.

После пополнюваня гласацкого лістка, виберач го прегина так же би не було видно як го пополнел и так прегнути лісток уруцує до гласацкей шкатули.

Поучованє виберачох

Член 94.

Кед виберачови прида гласацки лісток, виберацки одбор длужен поучиц го же може гласац за єдну виберанкову лістину так же заокружи шорне число опрез назви тей виберанковей лістини, же гласане тайне и же ше окончує за параваном и же после пополнюваня гласацкого лістка виберач треба же би го прегнул так же би ше не видзело як гласацки лісток пополнети и же би так прегнути лісток уруцел до гласацкей шкатули.

Виберацки одбор длужен окреме спозориц виберача же гласане шлебодне и же ніхто не ма право сперац и примушовац го же би гласал, поволовац го на одвичательносц прето же гласал або не гласал лебо питац од нього най ше вияшні прецо и за кого гласал.

Окремни ґаранції шлебодного и тайного гласаня

Член 95.

На виберанковим месце може буц присутне тельо виберачох кельо єст паравани.

Виберацки одбор длужен медзи параванами охабиц одвитуюци розмак и поставиц их на одвитуюцей оддаленосци од членох виберацкого одбору и припатрачох так же би други вибераче, члени виберацкого одбору и припатраче не могли видзиц як виберач пополнює гласацки лісток.

Виберацки одбор длужен окреме водзиц рахунку о тим же би ніхто не приходзел ґу паравану покля виберач пополнює гласацки лісток.

Не дошлебодзене же би на виберанковим месце члени виберацкого одбору, други вибераче, припатраче або гоч хтори други особи суґеровали виберачови за кого най гласа.

Не дошлебодзене же би єдна особа гласала место другей особи.

Гласанє звонка виберанкового места

Член 96.

Виберач хтори не може гласац на виберанковим месце пре чежку хороту, старосц або инвалидитет може гласац звонка виберанкового места, а на подручу хторе облапя виберанкове место, кед о тим обвисци локалну виберанкову комисию найскорей 72 годзини скорей дня гласаня, а найпознейше по 11.00 годзин на дзень гласаня, односно виберацки одбор на дзень гласаня, найпознейше по 11.00 годзин.

Локална виберанкова комисия по отверанє виберанкових местох на веб-презентациї обявює вкупне число виберацох зоз свойого подруча хтори ю по дзень гласаня обвисцели же жадаю гласац звонка виберанкового места.

Виберацки одбор одредзує своїх трох членох (повереніки виберацкого одбору) хтори меновани на предклад розличних овласцених предкладацох же би пошли до виберача хтори гласа звонка виберанкового места, утврдзели його идентитет, окончели преверйованє зоз УВ-лампку и придали му потврдзене о виберанковим праву за гласанє звонка виберанкового места.

Кед виберач хтори гласа звонка виберанкового места подпише потврдзене о виберанковим праву за гласанє звонка виберанкового места, придава го повереніком виберацкого одбору, хтори му потим зоз спреюм означую указуюци палец на правой руци, односно други одвитууюци палец на руци и придаваю гласацки лісток, збирну виберанкову лістину и окремну коверту до хторей вон положи пополнєти гласацки лісток.

Потим повереніки виберацкого одбору упознаваю виберача хтори гласа звонка виберанкового места зоз способом гласаня и напушую просторию у хторей ше вон находзи.

После того як виберач хтори гласа звонка виберанкового места пополні гласацки лісток, вон го прегина и кладзе до окремней коверти хтору повереніки виберацкого одбору пред нїм печацую и ведно зоз потврдзеньом о виберанковим праву за гласанє звонка виберанкового места кладу до службеной коверти.

Такой потим як ше враца на виберанкове место повереніки виберацкого одбору придаваю службену коверту виберацкому одбору хтори ю отвєра и преверює чи єст подписанє потврдзене о виберанковим праву за гласанє звонка виберанкового места и кед го єст, заокружує шорне число под хторим виберач уписани до виводу зоз списку виберацох и на месце за подпис виберача у виводу зоз списку виберацох кладзе надпомнуце же виберач гласал звонка виберанкового места, отвєра запечацовану коверту, винїма з нєй прєгнути гласацки лісток и так прєгнути лісток уруцує до гласацкей шкатули.

Кед у службеной коверти нєт потврдзєня о виберанковим праву за гласанє звонка виберанкового места або кед тото потврдзєне нє подписанє, трима ше же виберач нє гласал, а окремну коверту зоз гласацким лістком ше нє отвєра, алє ше ю одклада до мєха за виберанкови материял ведно зоз нєпохаснованима гласацким лістками.

Гласанє зоз помагачом

Член 97.

Виберач хтори пре нєписменосц, слабовидносц, инвалидитет або даяку другу причину нє може сам пополніц гласацки лісток ма право гласац на виберанковим месце з помоцу помагача хторого сам одредзи же би место нього пополнєл гласацки лісток так як му вон наложи.

Право гласац з помоцу помагача хторого сам одредзи ма и виберач хтори гласа звонка виберанкового места, а хтори пре неписменосц, слабовидносц, инвалидитет або даяку другу причину не може сам пополниц гласацки листок.

Отримованє шора на виберанковим месце

Член 98.

Виберачки одбор длужен отримовац шор на виберанковим месце.

Кед ше наруши шор на виберанковим месце, виберачки одбор може претаргнуц гласанє покля ше не направи шор.

Трима ше же шор на виберанковим месце нарушени окреме теди кед ше на виберанковим месце або непоштредно опрез виберанкового места:

1) затримую особи хтори не маю права и длужносци у вязи зоз запровадзованьом виберанкох;

2) неовласцено зніма и фотоґрафує збуваня на виберанковим месце;

3) з хаснованьом мобилного телефона и других средствох за вязу неовласцено дава обвисценя о случованьох на виберанковим месце, а окреме о тим хтори особи вишли, односно не вишли на виберанки;

4) прави списки виберацох хтори вишли або не вишли на виберанки звонка службеной евиденциї у виводу зоз списку виберацох;

5) виклада симболи политичней странки и подношителя преглашеней виберанковой лістини, як и други виберанкови пропаґандни материял.

Члени виберацкого одбору хтори задлужени за вивод зоз списку виберацох можу на окременим паперу уписавац смужку за каждого виберача хтори вишол на виберанки и на тот способ водзиц евиденцию о виходносци.

Кед ше водзи евиденцию о виходносци на одредзеним виберанковим месце, податки о числу виберацох хтори вишли на виберанки муша буц доступни шицким членом виберацкого одбору.

Под виберанковим местом, у смислу одредбох того закона зоз хторим ше ушорює отримованє шора на виберанковим месце, подрозумює ше просторию у хторей ше окончує гласанє, а кед ше у єдним обекту находза вецей просторії за гласанє, под виберанковим местом ше подрозумює цали тот обект.

Законченє гласаня на виберанковим месце

Член 99.

Виберачки одбор обвисцує шицких виберацох хтори ше у чаше завераня виберанкового места найду на нїм або непоштредно опрез нього же можу гласац.

Виберачки одбор одредзує єдного свойого члена же би утвердзел число виберацох хтори ше ту нашли у чаше кед ше виберанкове место завера и рядошлїд по хторим вони гласаю, же би станул поза остатнього виберача хтори ше ту нашол и на тот способ означел конєц шора и причекал же би гласали шицки вибераче хтори стоя у шоре.

Гласанє у окремих ситуацїях

Член 100.

Кед пре елементарну непогоду, епидемию або други причини гласанє на даєдних виберанкових местох не мож запровадзиц по правилох того закона, а же би ше зоз тим не загрожело безпечносц и здравє виберачох, Републична виберанкова комисија, потим як достанє думанє компетентних державних орґанох, предписує окреми правила по хторих ше формую виберацки одбори, окончує примопридаванє виберанкового материялу або запровадзує гласанє на тих виберанкових местох.

Републична виберанкова комисија анї у єдним случаю не може формовац виберацки одбор хтори ма меней як трох членох и не може одступиц од правилох того закона хтори ше одноша на: утвердзованє исправносци и подполносци виберанкового материялу, поступанє кед виберанкови материял неподаполни або неісправни, ушоренє виберанкового места, проверйованє исправносци гласацкей шкатули, гласанє на виберанковим месце, поучованє виберачох, окреми ґаранциї тайносци гласаня и отримованє шора на виберанковим месце.

4. Утвердзованє резултатох гласаня на виберанковим месце

Место утвердзованя резултатох гласаня

Член 101.

Виберацки одбор утвердзує резултати гласаня на самим виберанковим месце.

Кед резултат гласаня не мож утвердзиц на самим виберанковим месце, а же би ше зоз тим не привело до опасносци безпечносц и здравє членох виберацкого одбору и безпечносц виберанкового материялу, Републична виберанкова комисија може предписац же би ше виберанкови материял премесцело на друге место и там утвердзело резултат гласаня.

Кед ше виберанкови материял премесца, виберацки одбор длужен на гласацкей шкатули запечацовац отвор за уруцованє гласацких лісткох и до окремих ковертох хтори печатує положиц непохасновани гласацки лістки и вивод зоз списку виберачох.

Поступок утвердзованя резултатох гласаня

Член 102.

Виберацки одбор утвердзує число виберачох хтори вишли на виберанки так же пречишлї виберачох хтори ше подписали до виводу зоз списку виберачох и надпомнуца у виводу зоз списку виберачох о виберачох хтори гласали звонка виберанкового места.

После утвердзованя числа виберачох хтори уписани до виводу зоз списку виберачох и число виберачох хтори вишли на виберанки, виберацки одбор пречишлює непохасновани гласацки лістки, а потим утвердзує чи гласацка шкатула цали час покля тирвало гласанє була запечацована и исправна, отвора гласацку шкатулу и проверює чи ше у ней находзи пополнети и подписани контролни ліст.

Виберацки одбор ґрупує шицки гласацки лістки хтори ше находза у гласацкїй шкатули на важаци и неважаци, а потим утвердзує число неважацих гласацких лісткох.

Важаци гласацки лістки виберацки одбор ґрупує по виберанкових лістинох и утвердзує число гласох яке достала каждая виберанкова лістина.

Неважаці и важаці гласацкі лісток

Член 103.

Неважаці гласацкі лісток гевтот хтори не пополнети, на хторим заокружени шорни числа опрез двох або вецей виберанкових лістинох, як и кажди други гласацкі лісток хтори пополнети так же не мож зоз сигурносцу утвердзиц за хтору виберанкову лістину виберач гласал.

Важаці гласацкі лісток гевтот на хторим заокружене шорне число опрез назви єдней виберанковой лістини, як и гласацкі лісток хтори пополнети так же зоз сигурносцу мож заключиц за кого виберач гласал.

Записнік о работи виберацкогo одбору

Член 104.

Записнік о работи виберацкогo одбору ше вирабя на предписаним формулару хтори ше пополнює у шейсцох прикладнікох.

У општинох и городох у хторих на дзень розписованя виберанкох у урядовим хаснованю язык националней меншини, попри формулара записніка о работи виберацкогo одбору хтори ше друкує на сербским языку зоз кирилским писмом, вирабя ше и формулар записніка на языку и писме националней меншини, зоз буквами истей форми и велькосци.

Перши прикладнік записніка о работи виберацкогo одбору ше доручує Републичней виберанковой комісії, други локалней виберанковой комісії, треци ше виклада на виберанковим месце на явни увид, а други три прикладніки записніка о работи виберацкогo одбору ше придава представніком виберанкових лістинох хтори освоєли найвекше число гласоx на виберанковим месце.

Змист записніка о работи виберацкогo одбору

Член 105.

Виберацки одбор до записніка о работи виберацкогo одбору уноши: число виберацоx хтори уписани до виводу зоз списку виберацоx, число виберацоx хтори вишли на виберанки, число гласацких лісткоx хтори ше находза у гласацкей шкатули, число неважацких гласацких лісткоx, число важацких гласацких лісткоx и число гласоx яке достала кажда виберанкова лістина.

У записніку о работи виберацкогo одбору наведзени и други факти значни за цек и утвердзованє резултатоx гласаня на виберанковим месце, уключуюци податки о чаше кеди виберанкове место отворене и заварте, о преверйованю исправносци гласацкей шкатули и пополньованю и подписованю контролногo ліста, о преверйованю чи гласацка шкатула цали час була исправна и запечацована и чи пренайдзени контролни ліст, о евентуалним претаргованю гласаня и нарушованю шора на виберанковим месце, як и пригварки членох виберацкогo одбору.

Записнік о работи виберацкогo одбору подписую члени виберацкогo одбору, односно їх заменіки.

Примопридаванє виберанкового материялу по завераню виберанкового места

Член 106.

После утвердзованя резултатоx гласаня, виберацки одбор без одкладаня, а найпознейше у року од 12 годзинох од завераня виберанкового

места доручує локалней виберанковей комісії перши и други прикладнік записніка о работи виберацкогo одбору, формулар записніка о припатрачоx на роботу виберацкогo одбору, вивод зоз списку виберачоx, запечацовани коверти у хторих ше находза контролни ліст, непохасновани гласацки лістки, неважацки гласацки лістки и важацки гласацки лістки, як и други виберанкови материял.

Виберанкови материял придава председатель виберацкогo одбору або його заменік.

Виберанкови материял примаю найменей двома членами локалней виберанковей комісії хтори меновани на предклад розличних предкладачоx.

На примопридаваню виберанкового материялу можу буц присутни шицки членами виберацкогo одбору.

Виберанкови материял зоз виберанкового места у иноземстве без одкладаня ше преноши до Републичней виберанковей комісії на способ на який ше доручує дипломатску посилку.

Окремни гаранції за представнікох опозиційней виберанковей лістини у виберацким одборе

Член 107.

Член, односно заменік члена виберацкогo одбору хтори меновани на предклад опозиційней виберанковей лістини ма право буц уключени до шицких активносцоx виберацкогo одбору, а окреме участвовац у примопридаваню виберанкового материялу, ґрупованю и пречишльованю гласацких лісткоx, пополньованю записніка о работи виберацкогo одбору и контроли записніка о работи виберацкогo одбору при примопридаваню виберанкового материялу.

Председатель виберацкогo одбору длужен ошмельовац членами и заменікох членами виберацкогo одбору хтори меновани на предклад опозиційней виберанковей лістини же би окреме проверели одредзени виберанково работи, як цо то: контрола исправносци гласацкей шкатули, ґрупованє гласацких лісткоx на важацки и неважацки и пречишльованє гласоx хтори достали виберанково лістини.

Кед ше одредзує поверенікох виберацкогo одбору за запровадзоване гласаня звонка виберанкового места, найменей еден поверенік муши буц представнік опозиційней виберанковей лістини.

Кед за запровадзованє гласаня у окремих ситуаційоx Републична виберанкова комісія предписує окремни правила за формованє виберацких одбороx, з тима окремима правилами муши буц предвидзене же ше найменей трецину членами виберацких одбороx менує на предклад опозиційних виберанкових лістинох.

5. Утвердзованє резултатоx виберанкох

Контрола записніка о работи виберацкогo одбору

Член 108.

При примопридаваню виберанкового материялу по законченю гласаня представніки виберацкогo одбору и локалней виберанковей комісії длужни окончиц контролю записніка о работи виберацкогo одбору и констатовац евентуални гришки у пополньованю записніка, и о тим составиц звит.

Кед при контроли записніка о работи виберацкогo одбору окончени увид до виберанкового материялу, до звиту о контроли записніка о работи виберацкогo одбору ше уноши фактични стан утвердзени зоз увидом до виберанкового материялу.

У звіту о контролі записніка о роботи виберацкогo одбору констатує ше чи єст пригварки членох виберацкогo одбору и припатрачох на роботу виберацкогo одбору.

Записніки о роботи виберацких одборах хтори запровадзовали гласане у иножемстве контролує и виправя Републична виберанкова комисия.

Републична виберанкова комисия шицки записніки о роботи виберацкогo одбору обявює на веб-презентації, а кед же виправена гришка у пополньованю записніка о роботи виберацкогo одбору, обявює ше и ришенє о виправяню записніка о роботи виберацкогo одбору.

Поступанє з легчайшима гришками

Член 109.

Кед у записніку о роботи виберацкогo одбору єст очиглядни помилки у пополньованю того записніка (легки гришки), локална виберанкова комисия на основи звита о контролі записніка о роботи виберацкогo одбору приноши ришенє о виправяню записніка о роботи виберацкогo одбору.

Легки гришки то:

1) кед у записніку о роботи виберацкогo одбору не зазначене або погришно зазначене число виберачох хтори уписани до виводу зоз списку виберачох;

2) кед у записніку о роботи виберацкогo одбору не зазначене число виберачох хтори вишли на виберанки, а други резултати логіцко-рахунково исправни;

3) кед у записніку о роботи виберацкогo одбору зазначене число виберачох хтори вишли на виберанки векше од числа уписаних виберачох до виводу зоз списку виберачох, а други резултати логіцко-рахунково исправни;

4) кед у записніку о роботи виберацкогo одбору не зазначене вкупне число гласацких лісткох у гласацкей шкатули, а други резултати логіцко-рахунково исправни;

5) кед у записніку о роботи виберацкогo одбору не зазначене число важацких гласацких лісткох, а сума числа неважацких гласацких лісткох и числа гласох хтори поєдинечно достала каждая виберанкова лістина єднака числу гласацких лісткох хтори ше находза у гласацкей шкатули.

Поступанє зоз чежкими гришками

Член 110.

Кед у записніку о роботи виберацкогo одбору єст чежки логіцко-рахунково гришки (чежки гришки), представніки виберацкогo одбору и локалней виберанковей комисії длужни при контролі записніка о роботи виберацкогo одбору окончиц и увид до виберанкового материялу.

Локална виберанкова комисия на основи звита о контролі записніка о роботи виберацкогo одбору приноши ришенє о виправяню записніка о роботи виберацкогo одбору, ришенє зоз хторим констатує же на одредзеним виберанковим месце не мож утвердзиц резултати гласаня або ришенє зоз хторим поніщує гласанє на виберанковим месце по службеной длужносци.

Чежки гришки то окреме:

1) кед у записніку о роботи виберацкогo одбору число гласацких лісткох у гласацкей шкатули векше од числа виберачох хтори вишли на виберанки;

2) кед у записніку о работи виберацкогo одбору сума числа гласох хтори поєдинечно достала каждая виберанкова лістина не єднака числу важащих гласацких лісткох, а сума числа неважащих гласацких лісткох и числа важащих гласацких лісткох єднака числу гласацких лісткох хтори ше находза у гласацкей шкатули;

3) кед у записніку о работи виберацкогo одбору сума числа неважащих гласацких лісткох и числа гласох хтори поєдинечно достала каждая виберанкова лістина векша од числа виберачох хтори уписани до виводу зоз списку виберачох;

4) кед число важащих гласацких лісткох хторе зазначене у записніку о работи виберацкогo одбору не єднаке суми числа гласох хтори поєдинечно достала каждая виберанкова лістина, а сума числа неважащих гласацких лісткох и числа гласох хтори поєдинечно достала каждая виберанкова лістина єднака числу гласацких лісткох хтори ше находза у гласацкей шкатули;

5) кед у записніку о работи виберацкогo одбору не зазначене число неважащих гласацких лісткох, а сума числа гласох хтори поєдинечно достала каждая виберанкова лістина єднака або менша од числа гласацких лісткох хтори ше находза у гласацкей шкатули;

6) кед число неважащих гласацких лісткох яке зазначене у записніку о работи виберацкогo одбору не єднаке розлики числа гласацких лісткох хтори ше находза у гласацкей шкатули и числа важащих гласацких лісткох, а сума числа гласох хтори поєдинечно достала каждая виберанкова лістина єднака або менша од числа гласацких лісткох хтори ше находза у гласацкей шкатули.

**Контрола записніка о работи виберацкогo одбору хтору
окончую члени и заменіки членох Републичней виберанковей
комісії и локальних виберанкових комісійох**

Член 111.

Член и заменік члена Републичней виберанковей комісії и локальной виберанковей комісії ма право у року од 48 годзинох од законченя гласаня окончиц увид до виберанкового материялу зоз каждого виберанкового места и провериц чи гласал виберач хтори му доручи свою адресу, ЄМЧГ и писану согласносц за тото проверйованє.

**Вимога за контролу записніка о работи виберацкогo одбору
по моделу**

Член 112.

На вимогу хтору ше подноши у року од 48 годзинох од завераня виберанкових местох, Републична виберанкова комиссия одредзує же би локална виберанкова комиссия з увидом до виберанкового материялу окончила контролу записніка о работи виберацких одборох зоз найвецей 5% виберанкових местох на території локальной виберанковей комісії.

Вимогу за контролу записніка о работи виберацкогo одбору по моделу може поднесц преглашена опозиційна виберанкова лістина хтора по прелиминарних резултатох виберанкох освоєла вецей як 2% гласох и преглашена опозиційна меншинска виберанкова лістина хтора по прелиминарних резултатох виберанкох освоєла вецей як 1% гласох.

Кед ше вимага контролу записніка о работи виберацких одборох по моделу за вецей як 5% виберанкових местох, контролу записніка о работи виберацких одборох ше окончує на гевтих виберанкових местох на хторих уписани найвецей вибераче.

Против рішення зок зторим одбита або одручена вимога за контролю записніка о роботи виберацкогo одбору по моделу подношитель вимоги може поднесц пригварку Републичней виберанковей комисії у року од 48 годзинох од обявйованя того рішення на веб-презентації.

Против рішення зок зторим усвоена вимога за контролю записніка о роботи виберацкогo одбору по моделу подношитель преглашеней виберанковей лістини може поднесц пригварку Републичней виберанковей комисії у року од 48 годзинох од обявйованя того рішення на веб-презентації.

Контрола записніка о роботи виберацкогo одбору по моделу

Член 113.

О оконченой контроли записніка о роботи виберацких одборох локална виберанкова комисия составя звит и обявюе го на веб-презентації.

Кед ше на основи контроли записніка о роботи виберацких одборох у поглядзе числа гласох хтори достала одредзена виберанкова лістина утврдзи же присутне вкупне одступане медзи змистом виберанкового материялу и записніком о роботи виберацкогo одбору векше як 10% на шицких контролованих виберанкових местох зок території локалней виберанковей комисії, Републична виберанкова комисия одредзуе же би ше окончела контрола записніка о роботи виберацких одборох зок ище 5% виберанкових местох.

Кед ше после додатней контроли записніка о роботи виберацких одборох у поглядзе числа гласох хтори достала одредзена виберанкова лістина утврдзи же присутне вкупне одступане медзи змистом виберанкового материялу и записніком о роботи виберацкогo одбору векше як 10% на шицких контролованих виберанкових местох зок території локалней виберанковей комисії, Републична виберанкова комисия одредзуе же би ше окончела контрола записніка о роботи виберацкогo одбору зок шицких виберанкових местох на території локалней виберанковей комисії.

Контрола записніка о роботи виберацких одборох по моделу ше закончуе кед Републична виберанкова комисия усвої звит локалней виберанковей комисії зок зторим ше констатуе же на контролованим моделу нет одступаня медзи змистом виберанкового материялу и записніком о роботи виберацких одборох хторе векше як 10%, односно звит о результатах контроли шицких виберанкових местох зок території локалней виберанковей комисії.

Правни пошлідки контроли записніка о роботи виберацкогo одбору

Член 114.

Кед при контроли записніка о роботи виберацкогo одбору хтору окончую члени и заменіки членох Републичней виберанковей комисії и локалних виберанкових комисийох, як и при контроли записніка о роботи виберацкогo одбору по моделу констатоване же ше не складаю змист виберанкового материялу и записнік о роботи виберацкогo одбору, локална виберанкова комисия приноши рішене о виправянню записніка о роботи виберацкогo одбору.

Кед при контроли записніка о роботи виберацкогo одбору хтору окончую члени и заменіки членох Републичней виберанковей комисії и локалних виберанкових комисийох, як и при контроли записніка о роботи виберацкогo одбору по моделу констатоване же присутна неправилносц хтора представя причину же би ше гласане на виберанковим месце поніщело по службеной

длужносци, локална виберанкова комисија приноси рiшене зоз хторим понiщуе гласане на виберанковим месце.

Кед иснуе основана сумня же вельке нескладане медзи змистом виберанкового материялу и записнiком о работи виберацкогo одбору пошлiдок свидомей и нароком зробеной активносци хтора унапрямена на тото же би ше утвeрдзел неправдиви резултат виберанкох, Републична виберанкова комисија длужна процив членох виберацкогo одбору поднесц виновну прияву компетентному явному тужительству.

Неможлiвосц утвeрдзования резултатох гласаня на виберанковим месце

Член 115.

Локална виберанкова комисија по службеной длужносци приноси рiшене зоз хторим констатуе же на одредзеним виберанковим месце не мож утвeрдзиц резултати гласаня:

- 1) кед гласане на тим виберанковим месце не отримане або кед е претаргнуте, а не предлужене е;
- 2) кед не достане записнiк о работи виберацкогo одбору;
- 3) кед доручени записнiк о работи виберацкогo одбору не подписали найменей троме члени виберацкогo одбору;
- 4) кед ест чежки лoгiцко-рахунково гришки у пополньованю записнiка о работи виберацкогo одбору хтори не могло одклонiц ани после увиду до цалокупного виберанкового материялу зоз виберанкового места.

Рiшене зоз хторим ше констатуе же на виберанковим месце у иножемстве не мож утвeрдзиц резултати гласаня приноси Републична виберанкова комисија.

Рiшене зоз хторим ше констатуе же на виберанковим месце не мож утвeрдзиц резултати гласаня обявюе ше на веб-презентациi.

Против рiшеня зоз хторим ше по службеной длужносци констатуе же на виберанковим месце не мож утвeрдзиц резултати гласаня подношитель преглашеной виберанковой лiстини и вибeрач хтори уписани до виводу зоз списку вибeрачох на тим виберанковим месце можy поднесц пригварку Републичней виберанковой комисиi у року од 72 годзинох од обявйованя того рiшеня на веб-презентациi.

Понiщоване гласаня на виберанковим месце по службеной длужносци

Член 116.

Локална виберанкова комисија по службеной длужносци приноси рiшене зоз хторим понiщуе гласане на виберанковим месце кед утвeрдзи:

- 1) же число гласацких лiсткох у гласацкей шкатули векше од числа вибeрачох хтори вишли на виберанки;
- 2) же вибeрацки одбор оможлiвел гласац особи хтора не уписана до виводу зоз списку вибeрачох;
- 3) же у гласацкей шкатули нет контролногo лiста, односно же контролни лiст не пополнети або же го не подписал перши вибeрач и голем еден член вибeрацкогo одбору;

4) же сума числа непохаснованих гласацких лісткох и числа гласацких лісткох у гласацкей шкатули векша од числа гласацких лісткох хтори приял виберацки одбор.

Ришенє зоз хторим ше по службеной длужносци поніщує гласанє на виберанковим месце у иножемстве приноси Републична виберанкова комисија.

Ришенє зоз хторим ше по службеной длужносци поніщує гласанє на виберанковим месце обявює ше на веб-презентації.

Против ришення зоз хторим ше по службеной длужносци поніщує гласанє на виберанковим месце подношитель преглашеной виберанковой лістини и виберач хтори уписани до виводу зоз списку виберачох на тим виберанковим месце могу поднесц пригварку Републичней виберанковой комисиї у року од 72 годзинох од обявйованя того ришення на веб-презентації.

Повторйованє гласаня

Член 117.

Гласанє на виберанковим месце ше повторює кед констатоване же на тим виберанковим месце не мож утвердзиц резултати гласаня або кед гласанє на тим виберанковим месце поніщене.

Ришенє о запровадзованю повторного гласаня на виберанковим месце Републична виберанкова комисија приноси у року од трох дньох од дня кед на веб-презентації обявене ришенє зоз хторим констатоване же на тим виберанковим месце не мож утвердзиц резултати гласаня, односно ришенє зоз хторим гласанє на тим виберанковим месце поніщене.

Кед против ришення зоз хторим констатоване же на виберанковим месце не мож утвердзиц резултати гласаня, односно ришення зоз хторим гласанє на виберанковим месце поніщене поднешене правне средство, рок за приношене ришення о запровадзованю повторного гласаня на тим виберанковим месце рахує ше од дня кед Републичней виберанковой комисиї доручена одлука по правним средству.

Повторне гласанє ше запровадзує у року од дзешец дньох од дня приношеня ришення о запровадзованю повторного гласаня.

Виберацки одбор за запровадзованє повторного гласаня

Член 118.

Локална виберанкова комисија менує нови виберацки одбор за запровадзованє повторного гласаня.

Кед на виберанковим месце на хторим ше повторює гласанє подношитель преглашеной виберанковой лістини не предложел члена, односно заменіка члена виберацкого одбору у преширеним составе, ма право предложити их за запровадзованє повторного гласаня.

Збирни звит о резултатох гласаня

Член 119.

Локална виберанкова комисија у року од 96 годзинох од завераня виберанкових местох приноси за шицки виберанково места хтори ше находза на ей території и без одкладаня доручує Републичней виберанковой комисиї збирни звит о резултатох гласаня у хторим наведзени число виберачох уписаних до списку виберачох, число виберачох хтори вишли на виберанки, число гласацких лісткох хтори ше находза у гласацких шкатулох, число

неважаючи гласацких лісточок, число важачих гласацких лісточок и число гласоx яке достала каждая виберанкова лістина.

Збирни звіт о результатах гласаня у иноземстве приноси Републична виберанкова комісія.

Кед поднєшене правне средство пре неправилности под час запровадзованя гласаня на виберанковим месце и кед поднєшене правне средство против рішення зоз хторим ше констатує же на виберанковим месце не мож утвердиц результати гласаня, односно рішення зоз хторим ше поніщує гласанє на виберанковим месце, рок за приношенє и доручованє збирного звіта о результатах гласаня рахує ше од дня кед локалней виберанковой комісії доручени одлуки о шицких поднєшених правних средствах.

Кед ше на даєдних виберанкових месцах запровадзує повторне гласанє, рок за приношенє и доручованє збирного звіта о результатах гласаня рахує ше од завераня виберанкового места на хторим найпознейше повторене гласанє, односно од дня кед локалней виберанковой комісії доручени одлуки о шицких евентуално поднєшених правних средствах у вязи зоз повторним гласаньом.

Кед поднєшена вимога же би ше окончела контрола записніка о работи виберацкого одбору по моделу, рок за приношенє и доручованє збирного звіта о результатах гласаня рахує ше од законченя контролю записніка о работи виберацкого одбору.

Против збирного звіта о результатах гласаня подношитель преглашеней виберанковой лістини и вибєрач хтори уписани до списку вибєрачоx на виберанковим месце хторе ше находзи на території локалней виберанковой комісії можу поднєсц пригварку Републичней виберанковой комісії у року од 72 годзинох од обявйованя збирного звіта на веб-презентації.

Против збирного звіта о результатах гласаня у иноземстве подношитель преглашеней виберанковой лістини и вибєрач хтори уписани до списку вибєрачоx на виберанковим месце у иноземстве можу поднєсц пригварку Републичней виберанковой комісії у року од 72 годзинох од обявйованя збирного звіта на веб-презентації.

Поніщенє збирного звіта о результатах гласаня по службєней длужности

Член 120.

Кед найдзе же локална виберанкова комісія не утвердзела результати гласаня у складзе з одредбами того закона, Републична виберанкова комісія по службєней длужности приноси рішення зоз хторим поніщує збирни звіт о результатах гласаня.

Кед локална виберанкова комісія не принєше на час збирни звіт о результатах гласаня або кед ше поніщи збирни звіт о результатах гласаня, Републична виберанкова комісія може превжац цалокупни виберанкови материял и принєсц збирни звіт о результатах гласаня кед природа ствароx тото допущує и кед утвердзени фактични стан дава бизовну основу за тото.

Вкупни звіт о результатах виберанкоx

Член 121.

Републична виберанкова комісія у року од 96 годзинох од приманя шицких збирних звітоx о результатах гласаня приноси и обявює за шицки виберанково места вкупни звіт о результатах виберанкоx у хторим наведзени число вибєрачоx уписаних до списку вибєрачоx, число вибєрачоx хтори вишли

на виберанки, число виберачих хтори гласали, число неважащих гласацких лісткох, число важащих гласацких лісткох, число гласоих яке достала кажда виберанкова лістина и число мандатох хтори достала кажда виберанкова лістина.

Число виберачих хтори гласали утвердзуе ше на основи числа гласацких лісткох хтори ше находза у гласацких шкатулох.

Кед поднешене правне средство против збирного звита о резултатох гласаня, рок за приношене и обявйоване вкупного звита о резултатох виберанкох рахуе ше од дня кед Републичней виберанковой комисії доручена одлука по правним средству.

Против вкупного звита о резултатох виберанкох подношитель преглашенной виберанковой лістини и виберач могу поднесц пригварку Републичней виберанковой комисії у року од 72 годзинох од обявйованя вкупного звита на веб-презентації.

Обявйованє звита о резултатох виберанкох

Член 122.

Републична виберанкова комисия на веб-презентації обявює резултати гласаня за кажде виберанкове место и шицки збирни звити о резултатох гласаня.

Вкупни звит о резултатох виберанкох ше обявює у „Службеним гласніку Републики Сербії”.

Статистични обробок податкох

Член 123.

Статистични обробок податкох облапя уношене резултатох гласаня зоз записніка о работи виберацких одборох до бази резултатох виберанкох зоз шицких виберанкових местох, логіцко-рахункову контролю резултатох унешених до записнікох о работи виберацких одборох и виробок звиту за потреби Републичней виберанковой комисії и локалних виберанкових комисийоих.

Републични орґан компетентни за статистични работи одредзує особи хтори у шедзиску Републичней виберанковой комисії и локалних виберанкових комисийоих окончую статистични работи обробку податкох.

Подношитель преглашенной виберанковой лістини може Републичней виберанковой комисії приявиц особу хтора ма право буц присутна при статистичному обробку податкох у Републичней виберанковой комисії и локалних виберанкових комисийоих.

Накадзи ше податки о резултатох гласаня на виберанкових местох статистично оброби, обявює их ше веб-презентації, починаючи од податкох зоз першого обробеного виберанкового места, заключно зоз обявйованьом вкупних резултатох виберанкох.

Републична виберанкова комисия на схадзки утвердзує прелиминарни резултати виберанкох за шицки виберанково места хтори обробени у року од 24 годзинох од завераня виберанкових местох.

Републична виберанкова комисия предписує правила о статистичним обробку податкох.

6. Претаргованє виберанкових роботох

Причина за претаргованє виберанкових роботох

Член 124.

Републична виберанкова комисија по службеной длужносци приноси ришенє о претаргованю виберанкових роботох кед пре воєни стан и позарядови стан або преглашену позарядову ситуацију за територију Републики Сербии не можливе запровадзиц виберанки або то значно очежане.

Ришенє о претаргованю виберанкових роботох спричинює правне дїйство з дньом його обявйованя у „Службеним гласнику Републики Сербии”.

Пошлїдки претаргованя виберанкових роботох

Член 125.

Зоз претаргованьом виберанкових роботох преставаю чечиц шицки роботи за окончованє виберанкових роботох.

Покля тирва прерва у виберанкових роботох орґани за запровадзоване виберанкох не могу поднїмац нїяки дїї у виберанковим поступку.

Правне дїйство виберанковой дїї яка ше поднїма покля тирва прерва у виберанкових роботох може наступиц аж кед ше предлужи виберанкови поступок.

Винїмково, покля тирва прерва у виберанкових роботох вибераче могу подписовац вияви же потримую виберанкову лїстину.

Предлужованє зоз виберанковима роботами

Член 126.

Кед престаню причини за прерву у виберанкових роботох, Републична виберанкова комисија по службеной длужносци приноси ришенє о предлужованю виберанкових роботох и обявює го у „Службеним гласнику Републики Сербии”.

Роки хтори пре прерву у виберанкових роботох престаю чечиц предлужую чечиц од дня кед ришенє о предлужованю виберанкових роботох обявене у „Службеним гласнику Републики Сербии”.

Предклад за претаргованє, односно предлужованє зоз виберанковима роботами

Член 127.

Предклад за претаргованє, односно предлужованє зоз виберанковима роботами може поднєсц политична странка и подношитель преглашеней виберанковой лїстини.

О предкладу за претаргованє, односно предлужованє зоз виберанковима роботами Републична виберанкова комисија длужна принєсц и обявиц одлуку у року од 24 годзинох од його приманя.

VI. РОЗПОДЗЕЛЬОВАНЄ, ДОДЗЕЛЬОВАНЄ И ПРЕСТАВАНЄ МАНДАТОХ

Виберанкови цензус

Член 128.

У розподзельованю мандатох могу участвовац лєм виберанково лїстини хтори достали найменей 3% гласоох од числа виберачоох хтори гласали.

Кед ані єдна виберанкова лістина не достала 3% гласох од числа виберахох хтори гласали, вец шицки виберанково лістини хтори достали гласи могу участвовац у розподзельованю мандатох.

Система найвекшого количніка

Член 129.

Мандати ше розподзелює так же ше вкупне число гласох хтори достала виберанкова лістина хтора участвує у розподзельованю мандатох подзелї зоз каждым числом од єден по 250.

Достати количніки ше ґрупує по велькосци так же виберанковой лістини припадаю тельо мандати кельо ма свойо количніки медзи 250 найвекшима количніками шицких виберанкових лістинох хтори участвую у розподзельованю.

Кед два або вецей виберанково лістини достаню исти количніки на основи хторих ше розподзелює мандат, предносц ма виберанкова лістина хтора достала векше число гласох.

Кед одредзеной виберанковой лістини припада вецей мандати як цо ма кандидатох за народних посланїкох, мандат хтори ше не додзелї тей виберанковой лістини додзелює ше виберанковой лістини хторей припада шлїдуюци найвекши количнік за хтори не додзелени мандат.

Додзельованє мандатох

Член 130.

Републична виберанкова комисија у року од дзешец дньох од дня обявйованя вкупного звита о резултатох виберанкох з ришеньом додзелює мандати кандидатом за народних посланїкох по їх рядошлїду на виберанковой лістини, починаючи од першого кандидата зоз виберанковой лістини и видава увереня о виборе за народного посланїка.

Преставанє мандату

Член 131.

Народному посланїкови престава мандат кед ше потвердзи мандати за два трецини народних посланїкох зоз шорох шлїдуючого зволяня Народней скупштини.

Пред тим як ше потвердзи мандати за два трецини народних посланїкох зоз шлїдуючого зволяня Народней скупштини, народному посланїкови мандат престава:

- 1) кед умре;
- 2) кед му зоз правномоцну судску одлуку подполно однята діловна способносц, односно кед зоз правномоцну судску одлуку о часточним одніманю діловней способносци утвєрдзене же є неспособни окончавац виберанкове право;
- 3) кед є зоз правномоцну судску одлуку осудзени на кару гарешту у тирваню од найменей шейсцох мешацох;
- 4) кед превжал функцию хтору по Уставе и закону не мож скапчац зоз функцию народного посланїка;
- 5) кед страцел державянство Републики Сєрбиї;
- 6) кед задзекує.

Народному посланікови мандат престава кед наступи случай хтори представля причину за преставање мандату.

Задзекованє народного посланіка

Член 132.

Задзекованє народного посланіка ше подноши у писаней форми, а подпис подношителя муши буц оверени у складзе зоз законом з хторим ше ушорює оверйованє подписох.

Задзекованє ше особне подноши Народней скупштини у року од трох дньох од дня оверйованя подписа подношителя.

Задзекованє полноважне лем кед подпис народного посланіка оверени после того як му потвердзени мандат.

Задзекованє не мож поцагнуц.

Народному посланікови мандат престава того дня кед задзекує.

Констатованє же престал мандат

Член 133.

Народна скупштина констатує же народному посланікови престал мандат такой потим як приме обвисценє о причинах за преставање мандату, на схадзки хтора у цеку, односно на першей шлїдующей схадзки.

Пополньованє посланіцкого места хторе постало шлєбодне

Член 134.

Мандат хтори престає народному посланікови пред тим як ше потвердзи мандати за два трецини народних посланікох зоз шлїдующего зволаня Народней скупштини додзелює ше з рішеньом першому шлїдующему кандидатови з истей виберанковей лістини хторому не бул додзелени мандат народного посланіка у року од седем дньох од дня кед констатованє же престал мандат.

Кед на виберанковей лістини нет кандидатох хторим не додзелени мандат, посланіцке место хторе постало шлєбодне ше пополнює так же ше мандат додзелює першому кандидатови зоз другой виберанковей лістини хтора ма шлїдуючи найвекши количнік за хтори не бул додзелени мандат народного посланіка.

Пополньованє посланіцкого места хторе постало шлєбодне зоз коалиційней виберанковей лістини

Член 135.

Мандат хтори народному посланікови зоз коалиційней виберанковей лістини престає пред тим як ше потвердзи мандати за два трецини народних посланікох зоз шлїдующего зволаня Народней скупштини, додзелює ше першому шлїдующему кандидатови истей политичней странки на тей виберанковей лістини хторому не бул додзелени мандат народного посланіка.

Кед на виберанковей лістини нет кандидата истей политичней странки хторому не додзелени мандат, посланіцке место хторе постало шлєбодне ше пополнює так же ше мандат додзелює першому шлїдующему кандидатови зоз виберанковей лістини хторому не бул додзелени мандат кед же зоз коалиційним спорозуменьом не предвидзене же би ше у таким случаю мандат додзелело першому шлїдующему кандидатови одредзеной политичней странки хторому не бул додзелени мандат народного посланіка.

Повторне додзельованє мандату народному посланікови**Член 136.**

Народни посланік хтори задзеквал прето же би превжал функцию члена Влади може по преставаню функції члена Влади поднесц вимогу най му ше ознова додзелі мандат у истим зволаню Народней скупштини кед ест шлебодне посланіцке место хторе припада виберанковой лістини зоз хторей є вибрани.

VII. ОКРЕМНИ ПРАВИЛА ЗА ВИБЕРАНКОВО ЛІСТИНИ НАЦИОНАЛНИХ МЕНШИНОХ**Виберанкова лістина націоналней меншини****Член 137.**

Под виберанкову лістину націоналней меншини у смислу того закона подроумює ше гевту виберанкову лістину за хтору Републична виберанкова комиссия утвердзела же основни цель ей подношеня то представяне и заступане интересох націоналней меншини, як и защита и злєпшованє правох припаднікох націоналней меншини, у складзе зоз медзинародними правними стандардами.

Републична виберанкова комиссия з окремиим рішеньом утвердзує же виберанкова лістина ма положенє виберанковой лістини націоналней меншини у смислу того закона источашне кед ю прєглашує, а на предклад подношителя виберанковой лістини хтори муши буц поднєшени ведно з виберанкову лістину.

Републична виберанкова комиссия може питац думанє компетентного національного совита націоналней меншини о тим чи одредзена виберанкова лістина може мац положенє виберанковой лістини націоналней меншини.

Подношитель виберанковой лістини націоналней меншини може буц лем политична странка націоналней меншини або коалиция хтору творя виключно политични странки націоналних меншинох.

Забрана же би ше обкеровало закон**Член 138.**

Републична виберанкова комиссия з рішеньом одбива предклад же би ше одредзеной виберанковой лістини утвердзело же ма положенє виберанковой лістини націоналней меншини кед ношитель лістини або кандидат за народного посланіка на тей виберанковой лістини особа за хтору общепознате же є член другей политичней странки хтора не политична странка націоналней меншини або кед ше утвердзи други обставини хтори несумніво указую на намиру же би ше обкеровало закон.

Положенє виберанковой лістини націоналней меншини при кандидованю**Член 139.**

Републична виберанкова комиссия може прєглашиц виберанкову лістину націоналней меншини кед подношитель виберанковой лістини доручи 5.000 оверени вияви виберадох же потримую виберанкову лістину.

Положенє виберанковой лістини націоналней меншини при розподзельованю мандатох

Член 140.

Виберанкова лістина націоналней меншини участвує у розподзельованю мандатох и теди кед достанє меней як 3% гласох од числа виберачох хтори гласали.

Кед ше мандати розподзелює з применьованьом системи найвекшого количніка, количніки виберанкових лістинох націоналних меншинох хтори освоєли меней як 3% гласох звекшує ше за 35%.

**VIII. ПРЕДСТАВЯНЄ ПОДНОШИТЕЛЬОХ ПРЕГЛАШЕНИХ
ВИБРАНКОВИХ ЛІСТИНОХ И КАНДИДАТОХ ЗОЗ
ПРЕГЛАШЕНИХ ВИБРАНКОВИХ ЛІСТИНОХ**

Право подношителя преглашеней виберанковой лістини на представяне

Член 141.

Подношительє преглашених виберанкових лістинох и кандидати зоз преглашених виберанкових лістинох маю право буц задармо и єднак представени у програмах явних медийских сервисох на способ яки предписани зоз тим законом.

Обезпечованє представяня подношителя виберанковой лістини

Член 142.

Явни медийски сервиси длужни у своєй програми шицким подношительом преглашених виберанкових лістинох и кандидатом зоз преглашених виберанкових лістинох обезпечиц же би представели своєю виберанково програми задармо и без дискриминації.

Непристрасносц у представяню подношительох преглашених виберанкових лістинох

Член 143.

Явни медийски сервиси длужни у програмских змистох наменєних представяню обезпечиц подношительом преглашених виберанкових лістинох и кандидатом зоз преглашених виберанкових лістинох условия за непристрасне, справедліве и урівноважене представяне.

Спорозумєнє о числу и тирваню емисийох за представяне подношительох преглашених виберанкових лістинох

Член 144.

По двоє представніки републичного явного медийского сервису, Влади и политичних странкох хтори маю народних посланікох зоз спорозумєньом утвердзую число и тирванє емисийох за представяне подношительох преглашених виберанкових лістинох.

Спорозумєнє о числу и тирваню емисийох за представяне подношительох преглашених виберанкових лістинох заключує ше найпознейше пейц дні од дня кед одлука о розписованю виберанкох ступела на моц и без одкладаня ше обявує на веб-презентації.

Републични явни медийски сервис з учасцу представнікох Влади, политичних странкох хтори маю народних посланікох и подношительох

преглашених виберанкових лістинох утвєрдує правила за представяне подношительох прєглашених виберанкових лістинох, виберанкових програмох и кандидатох за народних посланїкох.

Надпатраюци одбор за виберанкову кампаню

Член 145.

У запровадзованю виберанкох обще надпатранє поступкох политичних странкох, подношительох прєглашених виберанкових лістинох, кандидатох за народних посланїкох и явних медийских сервисох у цеку виберанкових активносцох запровадує Надпатраюци одбор за виберанкову кампаню (у дальшим тексту: Надпатраюци одбор).

Надпатраюци одбор ма дзешец членох хторих менує Народна скупштина, од хторих половку на предклад Влади, а половку на предклад посланїцких ґрупох у Народней скупштини зоз шорох визначних явних роботнїкох.

Члени Надпатраюцого одбору не можу буц члени орґанох политичних странкох.

Председателя Надпатраюцого одбору вибераю медзи собу члени Надпатраюцого одбору зоз тайним гласаньом.

Компетенция Надпатраюцого одбору

Член 146.

Надпатраюци одбор:

1) провадзи предвиберанково активносци и указує на евентуални неправоносци у поступаню политичних странкох, кандидатох и других учашнїкох у виберанковим поступку;

2) контролує поступанє явних медийских сервисох у применюваню одредбох того закона хтори ше одноша на обезпечованє условийох за непристрасне, справедлїве и урівноважене представяне подношительох прєглашених виберанкових лістинох и кандидатох зоз прєглашених виберанкових лістинох;

3) предклада мири за почитованє еднакосци кандидатох у представяню їх програмох;

4) обраца ше гу явносци з цильом зашити моралного интеґритета особносци кандидата;

5) спозорює на поступки политичних странкох, кандидатох и средствох явного обвисцованя зоз хторима ше спєра виберанкову кампаню и загрожує еднакосц правох шицких кандидатох;

6) приноши свой дїловнїк.

Кед гоч хтори учашнїк у виберанковей кампанї зоз своїм справованьом поволує на насилство, шири националну, вирску або расну мержню лебо дава порив за неровноправносц полох, Надпатраюци одбор без одкладаня дава иницијативу за порушованє поступку пред компетентними державними орґанами.

Кед ше спорозуменє о числу и тирваню емисийох за представяне подношительох прєглашених виберанкових лістинох не заключи у предвидзеним року, Надпатраюци одбор утвєрдує число и тирванє емисийох за представяне подношительох прєглашених виберанкових лістинох.

Средства за роботу Надпатраюцого одбору ше обезпечуе у бюджету Републики Сербії.

Условия за роботу Надпатраюцого одбору обезпечуе Народна скупштина.

IX. ЗАЩИТА ВИБЕРАНКОВОГО ПРАВА

Правни средства у запровадзованю виберанкох

Член 147.

Правни средства у запровадзованю виберанкох то вимога за поніщоване гласаня на виберанковим месце, пригварка и жалба.

Вимога за поніщованє гласаня на виберанковим месце

Член 148.

Подношитель преглашеней виберанковой лістини ма право у року од 72 годзинох од завераня виберанкового места поднесц вимогу за поніщоване гласаня на виберанковим месце пре неправилносци под час запровадзованя гласаня.

Виберач може у року од 72 годзинох од завераня виберанкового места поднесц вимогу за поніщованє гласаня на виберанковим месце на хторим є уписани до виводу зоз списку виберацох кед го виберацки одбор неосновано зопар же би гласал або кед му на виберанковим месце повредзене право на шлебодне и тайне гласанє.

О вимоги за поніщованє гласаня на виберанковим месце одлучуе локална виберанкова комисија, а о вимоги за поніщованє гласаня на виберанковим месце у иножемстве одлучуе Републична виберанкова комисија.

Орган компетентни за одлучованє о вимоги за поніщованє гласаня на виберанковим месце длужен у року од 72 годзинох од приманя тей вимоги принєсц ришенє по тей вимоги и обявиц го на веб-презентації.

Змист вимоги за поніщованє гласаня на виберанковим месце

Член 149.

Вимога за поніщованє гласаня на виберанковим месце муши буц розумліва и облапяц шицко цо потребне же би ше по ней могло поступиц, а окреме:

- 1) означенє органа хтори компетентни одлучиц по вимоги;
- 2) мено, презвиско, ЄМЧГ, место и адресу биваня, число телефона и адресу за приманє електронскей пошти виберача кед подношитель вимоги виберач;
- 3) назву преглашеней виберанковой лістини, назву подношителя преглашеней виберанковой лістини и мено, презвиско, ЄМЧГ, место и адресу биваня, число телефона и адресу за приманє електронскей пошти особи хтора овласцена заступац подношителя преглашеней виберанковой лістини кед вимогу подноши подношитель преглашеней виберанковой лістини;
- 4) подпис подношителя вимоги;
- 5) предмет вимоги, а окреме точне означенє виберанкового места (назву општини, односно городу у хторим ше находзи виберанкове место и число виберанкового места) и точни опис дії з назначеньом хто и кеди поднял тоту дію;

- 6) факти на хторих заснована вимога;
- 7) докази.

Кед вимога за поніщованє гласаня нерозумліва або неподполна, орґан хтори компетентни же би одлучовал о тей вимоги приноси ришенє зоз хторим ю одруцує.

Общи правила о праву на пригварку

Член 150.

Подношитель преглашеней виберанковой лістини ма право поднесц пригварку против принешеной одлуки, против поднятей дії и пре препущеня же би ше принесло одлуку, односно подняло дію у запровадзованю виберанкох, кед зоз тим законом не предвидзене иншак.

Пригварку не мож поднесц против одлуки, дії або препущеня же би ше принесло одлуку, односно подняло дію за хтори предвидзене друге правне средство.

Подношитель виберанковой лістини, политична странка, посланіцка ґрупа, кандидат за народного посланіка, виберач и особа чийо мено у назви виберанковой лістини або подношителя виберанковой лістини можу поднесц пригварку кед то предписане зоз тим законом.

Змист пригварки

Член 151.

Пригварка муши буц розумліва и облапяц шицко цо потребне же би ше по ней могло поступиц, а окреме:

- 1) означенє же ше пригварку подноси Републичней виберанковой комисії;
- 2) мено, презвиско, ЄМЧГ, место и адресу биваня, число телефона и адресу за приманє електронскей пошти подношителя пригварки кед подношитель пригварки физична особа;
- 3) назву и шедзиско подношителя пригварки и мено, презвиско, ЄМЧГ, место и адресу биваня, число телефона и адресу за приманє електронскей пошти особи хтора овласцена заступац подношителя пригварки кед подношитель пригварки правна особа;
- 4) назву преглашеней виберанковой лістини, назву подношителя преглашеней виберанковой лістини и мено, презвиско, ЄМЧГ, место и адресу биваня, число телефона и адресу за приманє електронскей пошти особи хтора овласцена заступац подношителя преглашеней виберанковой лістини кед пригварку подноси подношитель преглашеней виберанковой лістини;
- 5) подпис подношителя пригварки;
- 6) предмет пригварки, а окреме точну назву одлуки з означеньом приношителя, датум приношеня и число под хторим заведзена одлука кед ше зоз пригварку оспорує одлуку, односно точни опис дії з назначеньом хто и кеди тоту дію поднял кед ше зоз пригварку оспорує дія у виберанковим поступку;
- 7) факти на хторих заснована пригварка;
- 8) докази.

Кед пригварка нерозумліва або неподполна, Републична виберанкова комиссия приноси ришенє зоз хторим ю одруцує.

Рок за подношенє пригваркох

Член 152.

Пригварку мож поднесц у року од 72 годзинох од обявйованя одлуки, односно подніманя дії хтору подношитель трима за неправилну, кед же иншак не одредзене зоз тим законом.

Пригварку пре тото же у року хтори предписани зоз законом або под'законским актом Републичней виберанковой комисії не принешена одлука, односно поднята дія мож поднесц у року од 72 годзинох од вицеку рока у хторим одлука мала буц принешена, односно у хторим дія мала буц поднята, кед же иншак не одредзене зоз тим законом.

Компетенция за одлучованє по пригварки

Член 153.

О пригварки одлучує Републична виберанкова комисия.

Републична виберанкова комисия длужна у року од 72 годзинох од приманя пригварки принесц и обявиц ришенє о пригварки.

Пригварку и ришенє о пригварки Републична виберанкова комисия обявює на веб-презентації.

Пригварка против ришеня зоз хторим одлучене о вимоги за поніщованє гласаня на виберанковим месце

Член 154.

Процив ришеня зоз хторим одруцена або одбита вимога за поніщованє гласаня на виберанковим месце подношитель вимоги може поднесц пригварку Републичней виберанковой комисії у року од 72 годзинох од обявйованя того ришеня на веб-презентації.

Пригварку пре тото же у предписаним року не принешена одлука о вимоги за поніщованє гласаня на виберанковим месце мож поднесц у року од 72 годзинох од вицеку рока у хторим мала буц принешена одлука о тей вимоги.

Процив ришеня зоз хторим усвоєна вимога за поніщованє гласаня на виберанковим месце подношитель преглашеней виберанковой лістини може поднесц пригварку Републичней виберанковой комисії у року од 72 годзинох од обявйованя того ришеня на веб-презентації.

Процив ришеня о вимоги за поніщованє гласаня на виберанковим месце пригварку ше подноши преїг' локалней виберанковой комисії хтора длужна у року од 72 годзинох од приманя пригварки доручиц Републичней виберанковой комисії пригварку и шицки списи того предмета.

Републична виберанкова комисия приноси ришенє по пригварки у року од 72 годзинох од приманя пригварки зоз списками и обявює го на веб-презентації.

Одлуки Републичней виберанковой комисії по пригварки

Член 155.

Кед Републична виберанкова комисия усвої пригварку, вона поніщує одлуку принешену у запровадзованю виберанкох, односно дію подняту у запровадзованю виберанкох.

Кед найдзе же одлуку против хторей поднєшена пригварка треба поніщиц, Републична виберанкова комисия може принесц другу одлуку место поніщенной.

Кед найдзе же ришене зоз хторим одлучене о вимоги за поніщене гласаня на виберанковим месце треба поніщиц, Републична виберанкова комиссия може мериторно одлучиц по вимоги за поніщене гласаня на виберанковим месце кед природа стварох того допущує и кед утвердзени фактични стан дава бизовну основу за того.

Жалба процив ришеня Републичней виберанковой комисіі зоз хторим одлучене по пригварки

Член 156.

Против ришеня Републичней виберанковой комисіі зоз хторим одруцена або одбита пригварка подношитель пригварки може поднесц жалбу Управному суду у року од 72 годзинох од обявйованя того ришеня на веб-презентаціі.

Жалбу пре того же у предписаним року не принесена одлука о пригварки мож поднесц у року од 72 годзинох од вицеку рока у хторим мала буц принесена одлука о пригварки.

Против ришеня Републичней виберанковой комисіі зоз хторим усвоєна пригварка подношитель преглашеней виберанковой лістини, подношитель виберанковой лістини, политична странка, посланіцка ґрупа, кандидат за народного посланіка, виберач и особа чийо мено у назви виберанковой лістини або подношителя виберанковой лістини можу поднесц жалбу Управному суду у року од 72 годзинох од обявйованя того ришеня на веб-презентаціі кед же им зоз тим же пригварка усвоєна непоштредно повредзени правни интерес.

Поступанє по жалби

Член 157.

Републична виберанкова комиссия длужна у року од 24 годзинох од приманя жалби доручиц Управному суду жалбу и шицки списи того предмета.

Управни суд приноси одлуку по жалби у року од 72 годзинох од приманя жалби зоз списками.

Одлуку принесену у поступку по жалби Управни суд доручує подношительови жалби преїґ Републичней виберанковой комисіі.

Одлуки Управного суда по жалби

Член 158.

Кед Управни суд усвої жалбу, вон поніщує одлуку принесену у запровадзованю виберанкох, односно дію подняту у запровадзованю виберанкох.

Кед найдзе же одлуку процив хторей поднєшена жалба треба поніщиц, Управни суд може мериторно одлучиц по пригварки кед природа стварох того допущує и кед утвердзени фактични стан дава бизовну основу за того.

Одлука Управного суда зоз хтору мериторно одлучене по пригварки у шицким заменює поніщену одлуку.

Одлука принесена у поступку по жалби правомощна и процив ней не мож поднесц позарядово правни средства предвидзени зоз законом зоз хторим ше ушорює управни спор.

Кед Управни суд усвої жалбу и поніщи одлуку принесену у запровадзованю виберанкох, односно дію подняту у запровадзованю виберанкох, одвитуую одлуку ше приноси, односно одвитуую дію ше подніма найпознейше о дзешец дні од дня кед Републична виберанкова комиссия прияла одлуку Управного суда.

Применованє предписаньох о общим управним поступку и управним спору

Член 159.

Одредби закона зоз хторима ше ушорює общи управни поступок сходно ше применює на одлучованє о вимоги за поніщованє гласаня на виберанковим месце и на одлучованє о пригварки.

Одредби закона зоз хторима ше ушорює управни спор сходно ше применює на одлучованє о жалби на ришенє Републичней виберанковой комисии зоз хторим одлучене о пригварки.

Обявйованє правних средствох и одлукох по правних средствох

Член 160.

Републична виберанкова комисия на веб-презентациї обявює шицки поднешени правни средства и одлуки хтори принесени по нїх.

Х. ПРОВАДЗЕНЄ РОБОТИ ОРГАНА ЗА ЗАПРОВАДЗОВАНЄ ВИБЕРАНКОХ

Приявйованє за домашнього припатрача

Член 161.

Здруженє регистрованоє у Републики Сербии чийо цилї ше витворює у обласци виберанкох и хторе заинтересоване провадзиц роботу органа за запровадзованє виберанкох може поднесц Републичней виберанковой комисии прияву за домашнього припатрача найпознейше седем днї скорей дня гласаня.

Ћу прияви за домашнього припатрача приклада ше список представникох домашнього припатрача у хторим наведзени мено, презвиско, ЄМЧГ и подруче припатраня за каждого представника домашнього припатрача хтори ше приявює за акредитацию.

Представник домашнього припатрача може буц акредитовани за домашнього припатрача лєм кед є полнолїтни державян Републики Сербии, кед є не кандидат за народного посланїка або член органа за запровадзованє виберанкох.

Приявйованє за странского припатрача

Член 162.

Медзинародна и странска организация и здруженє хтори заинтересовани провадзиц роботу органа за запровадзованє виберанкох можу поднесц Републичней виберанковой комисии прияву за странского припатрача найпознейше дзешец днї скорей дня гласаня.

Ћу прияви за странского припатрача приклада ше список представникох странского припатрача у хторим наведзени мено, презвиско, число драгового документа, назва держави хтора видала драгови документ и подруче провадзєня за каждого представника странского припатрача хтори ше приявює за акредитацию.

Ћу прияви за странского припатрача приклада ше и список прекладательох, кед же вони провадза приявених представникох странского припатрача, у хторим наведзени мено, презвиско и ЄМЧГ за каждого приявеного прекладателя хтори державян Републики Сербии, односно мено, презвиско, число драгового документа и назву держави хтора видала драгови

документ за каждого приявеного прекладателя хтори державян странскей держави хтори ше приявює за акредитацию.

Прияву за странского припатрача и список представнікох странского припатрача и прекладательоох хтори их провадза Републична виберанкова комиссия без одкладаня доручує министерству компетентному за вонкашні діла, хторе длужне своєю думанє о тей прияви доручиц Републичней виберанковой комисии у року од трох дньох од дня кед прияву прияло.

Приявйованє странскей держави за припатрача

Член 163.

Представнік странскей держави хтора заинтересована провадзиц роботу орґана за запровадзованє виберанкох може поднесц прияву странскей держави за припатрача министерству компетентному за вонкашні діла найпознейше дзешец дні скорей дня гласаня.

Ѓу прияви странскей держави за припатрача приклада ше список ей представнікох у хторим наведзени мєно, презвиско, число драгового документа, назва держави хтора видала драгови документ и подруче провадзєня за каждого ей представніка хтори ше приявює за акредитацию.

Ѓу прияви странскей держави за припатрача приклада ше и список прекладательоох кед же вони провадза ей приявених представнікох, у хторим наведзени мєно, презвиско и ЄМЧГ за каждого прекладателя хтори державян Републики Сербии, односно мєно, презвиско, число драгового документа и назва держави хтора видала драгови документ за каждого приявеного прекладателя хтори державян странскей держави хтори ше приявює за акредитацию.

Министерство компетентне за вонкашні діла прешлїдзує прияву странскей держави за припатрача и список ей представнікох и прекладательоох хтори их провадза з думаньом Републичней виберанковой комисии у року од трох дньох од дня кед прияву прояло.

Овласценє припатрачох

Член 164.

Припатрачови хтори ше приявел провадзиц роботу виберацких одборох мож допуциц же би провадзел роботу шицких виберацких одборох на території одредзєней локалней виберанковой комисии.

Припатрачови хтори ше приявел провадзиц роботу виберацкого одбору у иножемстве або роботу виберацкого одбору у заводох за вивершенє виновних санкцийох мож допуциц же би провадзел роботу лєм гєвтого виберацкого одбору за хтори ше приявел.

Припатрачови хтори ше приявел провадзиц роботу локалних виберанкових комисийох мож допуциц же би провадзел роботу шицких локалних виберанкових комисийох на території одредзєного управного округу, односно Городу Београду.

На схадзки Републичней виберанковой комисии, локалней виберанковой комисии або на виберанковим месце нє можу источасно буц присутни двоє представніки истого здруженя хторе приявєне як домашні припатрач.

Овласценє и легитимация

Член 165.

Подношительови прияви хторому дошлебодзене провадзиц роботу орґана за запровадзованє виберанкох Републична виберанкова комиссия выдава одвитующе овласценє, а його представником и прекладательом хтори го провадза одвитуючи легитимациї до хторих ше уписує необходи податки зоз списку приложеного ґу прияви за припатрача.

Овласценя и легитимациї ше выдава у року од трох дньох од дня подношеня прияви за припатрача, односно од приманя думаня министерства компетентного за вонкашнї дїла кед приява выполнює условия предписани зоз законом.

Трошки провадзєня роботи орґана за запровадзованє виберанкох зноши подношитель прияви за припатрача.

Положенє припатрача

Член 166.

Орґан за запровадзованє виберанкох длужен представникови припатрача и прекладательови хтори го провадзи оможлївиц же би без завадзаня провадзели каждую виберанкову дїю.

Представник припатрача и прекладатель хтори го провадзи длужни легитимациї ношиц на обачлївим месце.

Прекладатель не ма право на схадзки виберанковой комисии и на виберанковим месце пребувац без представника припатрача хторого провадзи.

Припатрач хтори провадзи роботу виберанковой комисии

Член 167.

Представник припатрача хтори провадзи роботу виберанковой комисии длужен рушац ше у рамикох овласцєньох яки достал.

Републична виберанкова комиссия може представникови припатрача хтори провадзи роботу виберанковой комисии одняц акредитацию кед ше вон не справує у рамикох своїх овласцєньох.

Припатрач хтори провадзи роботу виберацкого одбору

Член 168.

Представник припатрача хтори провадзи роботу виберацкого одбору може провадзиц роботу виберацкого одбору од примопридаваня виберанкового материялу пред гласаньом по законченє примопридаваня виберанкового материялу по гласаню, уключуюци и отверанє гласацкей шкатули, пречишльованє гласох, утвердзованє резултатох гласаня, гласанє звонка виберанкового места, як и повторне гласанє на тим виберанковим месце.

Кед ше повтори гласанє на даяким виберанковим месце, подношитель прияви за припатрача ма право пременїц своїх представников хтори провадза роботу виберацкого одбору, а кед на тим виберанковим месце не мал своих представников, може их приявиц з целью провадзєня роботи виберацкого одбору на запровадзованю повторного гласаня.

Представник припатрача хтори провадзи роботу виберацкого одбору длужен поступац по правилох о отримованю шора на виберанковим месце.

Вибераци одбор може оддалїц представника припатрача з виберанкового места кед ше вон не притримує правилох о отримованю шора на

виберанковим месце, кед на виберанковим месце хаснує мобилни телефон або други средства за вязу и комуникацию, а окреме кед спера роботу виберацкого одбору.

Вибераци одбор длужен о оддаленю представніка припатрача и причинох за його оддалене такой обвисциц локалну виберанкову комисию, а виберацки одбор у иножемстве о тим обвисцує Републичну виберанкову комисию.

О присустве представніка припатрача хтори провадзи роботу виберацкого одбору составя ше записнік на формулару хтори предписує Републична виберанкова комисия, а у хторим наведзени податки о представнікох припатрача хтори провадзели роботу виберацкого одбору и їх евентуални зауваги.

XI. ТРОШКИ ЗАПРОВАДЗОВАНЯ ВИБЕРАНКОХ

Член 169.

Средства за роботу орґана за запровадзованє виберанкох, виберанкови материал и други трошки запровадзованя виберанкох обезпечує ше у бюджету Републики.

Републична виберанкова комисия утврдзує надополненя за роботу у орґанох за запровадзованє виберанкох и други трошки запровадзованя виберанкох.

XII. КАРЕБНИ ОДРЕДБИ

Потупйованє правилох о виберанковой цихосци

Член 170.

З пенєжну кару од 100.000 по 600.000 динари будзе покарана за потупене правна особа хтора 48 годзини скорей дня гласаня и на дзень гласаня по заверанє виберанкових местох у медийох и на явних сходох обяви прецену резултата виберанкох, явно представя кандидатох на виберанкох и їх виберанково програми и поволує виберацох най гласаю, односно не гласаю за одредзени виберанково лістини.

З пенєжну кару од 50.000 по 150.000 динари будзе покарана за потупене одвичательна особа у медию хтори 48 годзини скорей дня гласаня и на дзень гласаня по заверанє виберанкових местох обяви прецену резултатох виберанкох, явно представя кандидатох на виберанкох и їх виберанково програми и поволує виберацох най гласаю, односно не гласаю за одредзени виберанково лістини.

З пенєжну кару од 20.000 по 50.000 динари будзе покарана за потупене одвичательна особа у правней особи хтора 48 годзини скорей дня гласаня и на дзень гласаня по заверанє виберанкових местох у медийох и на явних сходох обяви прецену резултатох виберанкох, явно представя кандидатох на виберанкох и їх виберанково програми и поволує виберацох най гласаю, односно не гласаю за одредзени виберанково лістини.

З пенєжну кару од 10.000 по 40.000 динари будзе покарана за потупене физична особа хтора 48 годзини скорей дня гласаня и на дзень гласаня по заверанє виберанкових местох у медийох и на явних сходох обяви прецену резултатох виберанкох, явно представя кандидатох на виберанкох и їх виберанково програми и поволує виберацох най гласаю, односно не гласаю за одредзени виберанково лістини.

Недоручованє поволанки за гласанє**Член 171.**

З пенєжну кару од 20.000 по 50.000 динари будзе покарани за потупенє руководитель орґана у чиєй компетенції обвисциц виберача о чаше и месце гласаня кед виберачови не доручи на час поволанку за гласанє.

Викладанє виберанкового пропаґандного материялу на виберанковим месце**Член 172.**

З пенєжну кару од 100.000 по 400.000 динари будзе покарана за потупенє политична странка, коалиция або друга правна особа хтора на виберанковим месце або непоштредно опрез виберанкового места виклада символи политичней странки, подношителя преглашеней виберанковой лістини, як и други виберанкови пропаґандни материял.

З пенєжну кару од 10.000 по 25.000 динари будзе покарана за потупенє одвичательна особа у политичней орґанизациї або другей правней особи хтора на виберанковим месце або непоштредно опрез виберанкового места виклада символи политичней странки и подношителя преглашеней виберанковой лістини, як и други виберанкови пропаґандни материял.

З пенєжну кару од 10.000 по 25.000 динари будзе покарана за потупенє физична особа хтора на виберанковим месце або непоштредно опрез виберанкового места виклада символи политичней странки и подношителя преглашеней виберанковой лістини, як и други виберанкови пропаґандни материял.

Зоперанє участвованя у работи и провадзєня работи орґана за запровадзованє виберанкох**Член 173.**

З пенєжну кару од 25.000 по 50.000 динари будзе покарани за потупенє член орґана за запровадзованє виберанкох хтори зопера другого члена же би провадзел и участвовав у работи орґана за запровадзованє виберанкох, односно хтори зопера представніка припатрача же би провадзел роботу орґана за запровадзованє виберанкох.

Нарушованє шора на виберанковим месце**Член 174.**

З пенєжну кару од 10.000 по 30.000 динари будзе покарана за потупенє особа хтора наруши шор на виберанковим месце.

Повредзованє права подношительох преглашених виберанкових лістинох и кандидатох на представянє**Член 175.**

З пенєжну кару од 50.000 по 600.000 динари будзе покарани за потупенє явни медийски сервис кед у своєй програми не обезпечи шицким подношительом преглашених виберанкових лістинох и кандидатом зоз преглашених виберанкових лістинох же би представели своєю виберанково програми задармо и без дискриминації.

З пенєжну кару од 10.000 по 30.000 динари будзе покарана одвичательна особа у явним медийским сервису хтори у своєй програми не обезпечи шицким подношительом преглашених виберанкових лістинох и

кандидатом зоз преглашених виберанкових лістинох же би представели свойо виберанково програми задармо и без дискриминації.

XIII. ПРЕХОДНИ И ЗАКОНЧУЮЦИ ОДРЕДБИ

Рок за приношенє єдинствених стандардох за виберанкови материял

Член 176.

Републична виберанкова комисија предпише єдинствени стандарди за виберанкови материял у року од дзешец дньох од ступаня на моц того закона.

Рок за формованє Републичней виберанковой комисиї

Член 177.

Народна скупштина формує Републичну виберанкову комисию у складзе зоз тим законом у року од седем дньох од його ступаня на моц.

Рок за формованє Надпатраюцого одбору

Член 178.

Народна скупштина формує Надпатраюци одбор у складзе зоз тим законом у року од седем дньох од його ступаня на моц.

Дочасове звекшанє числа членох у стаємним составе орґана за запровадзованє виберанкох

Член 179.

Перши виберанки за народних посланікох хтори буду розписани после ступаня на моц того закона запровадзує Републична виберанкова комисија до чийого стаємного составе, окрема председателя, 16 членох и їх заменікох хторих ше менує на предклад посланіцких ґрупох, уходза ище шейсцме члени и їх заменіки хторих менує Народна скупштина на предклад председателя Народней скупштине у року од седем дньох од ступаня на моц того закона, а мандат им тирва покля вкупни звит о резултатох виберанкох не постане конєчни.

У запровадзованю перших виберанкох за народних посланікох хтори буду розписани после ступаня на моц того закона участвую локални виберанково комисиї до чийого стаємного составе, окрема членох и заменікох членох хторих ше менує у складзе зоз законом зоз хторим ше ушорюю локални виберанки, уходзи ище по єден член и заменік члена хторих менує Републична виберанкова комисија на предклад председателя Народней скупштине, а мандат им тирва покля збирни звит о резултатох гласаня не постане конєчни.

У запровадзованю перших виберанкох за народних посланікох хтори буду розписани после ступаня на моц того закона участвую виберацки одбори до чийого стаємного составе, окрема членох и заменікох членох хторих ше менує по общих правилох того закона, уходзи ище по єден член и заменік члена хторих менує Републична виберанкова комисија на предклад председателя Народней скупштине.

Предписаня хтори преставаю важиц

Член 180.

З дньом ступаня на моц того закона преставаю важиц Закон о виборе народних посланікох („Службени гласнік РС”, ч. 35/00, 57/03 – УС, 72/03 – др. закон, 18/04, 85/05 – др. закон, 101/05 – др. закон, 104/09 – др. закон, 28/11 –

УС, 36/11, 12/20 и 68/20) и Упутство о форми и димензийох гласацкей шкатули („Службени гласник РС”, число 42/00).

Ступанє на моц

Член 181.

Тот закон ступа на моц шлїдующего дня од дня обявйованя у „Службеним гласнику Републики Сербии”.